





新刻文選正文卷之九

門八 中井長義校

上書類

上書秦始皇

李斯

臣聞。吏議逐客。竊以為過矣。昔者穆公求士。西取由余於戎。東得百里奚於宛。迎蹇叔於宋。來邰豹公孫支於晉。此五子者。不產於秦。而穆公用之。并國二十。遂霸西戎。孝公用商鞅之法。移風易俗。民以殷盛。國以富彊。百姓樂用。諸侯親服。獲楚魏之師。舉地千里。至今治彊。惠王用張儀之計。拔三川之地。西并巴蜀。北收上郡。南取漢中。包九夷。制鄢郢。東據成臯。之險。割膏腴之壤。遂散六國之從。使之西面事秦。功施到今。昭王得范雎。廢穰侯。逐華陽。強公室。杜私門。蠶食諸侯。使秦成帝業。此上四君。皆以客之功。由此觀之。客何負於秦哉。向

鞅於兩反

鄢音偃

從子容切

鍾徒河切

歐音決驪音啼

宛於元切續古老反

鞞音俾又音陛

使四君却客而不納，疎士而不與，是使國無富利之實。而秦無強人之名也。今陛下致崑山之玉，有和氏之寶，垂明月之珠，服太阿之劍，乘織離之馬，建翠鳳之旗，樹靈繡之鼓。此數寶者，秦不生一焉，而陛下悅之，何也？必秦國之所生，然後可。則夜光之璧，不飾朝廷；犀象之器，不為玩好；而趙衛之女，不充後庭；駿馬馱馱，不實外廐；江南金錫，不為用；蜀之丹青，不為采。所以飾後宮，充下陳，娛心意，悅耳目者，必出於秦。然後可。則是宛珠之簪，傅璣之珥，阿縞之衣，錦繡之飾，不進於前。而隨俗雅化，佳冶窈窕，趙女不立於側也。大擊甕，扣缶，彈箏搏髀而歌，嗚嗚快耳者，真秦之聲也。鄭衛桑間，韶虞武象者，異國之樂也。今棄擊甕而就鄭衛，退彈箏而取韶虞，若是者，何也？快意之當前，適觀而已矣。今取人則不然，不問可否，不

論曲直，非秦者去，為客者逐。然則是所重者在乎色樂珠玉，而所輕者在乎民人。此非所以跨海內，制諸侯之術也。臣聞地廣者粟多，國大者人眾，兵強者則士勇。是以泰山不讓土壤，故能成其大；河海不擇細流，故能就其深。王者不却眾庶，故能明其德。是以地無四方，人無異國，四時充美，鬼神降福。此五帝三王之所以無敵也。今乃棄黔首以資敵國，却賓客以業諸侯，使天下之士退而不敢西，裹足不入秦。此所謂藉寇兵而齎盜糧者也。夫物不產於秦，可寶者多；士不產於秦，願忠者眾。今逐客以資敵國，損民以益讐，內自虛而外以樹怨，諸侯求國無危，不可得也。

上書吳王

鄒陽

臣聞秦倚曲臺之宮，懸衡天下，畫地而人不犯，兵加胡越。至

齋音資

魏子容切

覆盡也

覆聚也

易音亦

忽輕也音至

絃音縣

其晚節末路張耳陳勝連從兵之據以叩函谷咸陽遂危何則列郡不相親萬室不相救也今胡數涉北河之外上覆飛鳥下不見伏兔關城不休救兵不止死者相隨輦車相屬轉粟流輸千里不絕何則強趙責於河間六齊望於惠后城陽顧於盧博三淮南之心思墳墓大王不憂臣恐救兵之不專胡馬遂進窺於邯鄲越水長沙還舟青陽雖使梁并淮陽之兵下淮東越廣陵以遏越人之糧漢亦折西河而下北守漳水以輔大國胡亦益進越亦益深此臣之所為大王患也臣聞蛟龍驤首奮翼則浮雲出流霧雨咸集聖王砥節修德則遊談之士歸義思名今臣盡智畢議易精極慮則無國而不可干節固陋之心則何王之門不可曳長裾乎然臣所以歷數王之朝背淮千里而自致者非惡臣國而樂吳民也竊高

下風之行尤說大王之義故願大王無忽察聽其至臣聞鷲鳥累百不如一鶚夫全趙之時武力鼎峙袷服叢臺之下者一旦成市不能止幽王之沈患淮南山東之俠死士盈朝不能還厲王之西也然則計議不得雖諸貴不能安其位亦明矣故願大王審畫而已始孝文皇帝據關人立寒心銷志不明求衣自立天子之後使東牟朱虛東褒儀父之後深割嬰兒王之壤子王梁代益以淮陽卒仆濟北囚弟於雍者豈非象新垣等哉今天子新據先帝之遺業左規山東右制關中變權易勢大臣難知大王弗察臣恐周鼎復起於漢新垣過計於朝則我吳遺嗣不可期於世矣高皇帝燒棧道灌章邯兵不畱行收敵人之倦東馳函谷西楚大破水攻則章邯以亡其城陸擊則荆王以失其地此皆國家之不幾者也願大

規帶也

猶深也

新川

卷之九

三

王熟察之

於獄上書自明

鄒陽

臣聞忠無不報信不見疑臣常以為然徒虛語耳昔者荆軻慕燕丹之義白虹貫日太子畏之衛先生為秦畫長平之事太白蝕昴昭王疑之夫精誠變天地而信不論兩主豈不哀哉今臣盡忠竭誠畢議願知左右不明卒從吏訊為世所疑是使荆軻衛先生復起而燕秦不悟也願大王熟察之昔者玉人獻寶楚王誅之李斯竭忠胡亥極刑是以箕子佯狂接輿避世恐遭此患也願大王察玉人李斯之意而後楚王胡亥之聽無使臣為箕子接輿所笑臣聞比干剖心子胥鴟夷臣始不信乃今知之願大王熟察少加憐焉語曰白頭如新傾蓋如故何則知與不知也故樊於斯逃秦之燕藉荆軻首

蝕于歷切

詠考也

劉古郭反

馱音決 馱音帝

析音昔

馱鼻引反 馱音拉 又力答反

以奉丹之事王奢去齊之魏臨城自剄以却齊而存魏夫王奢樊於期非新於齊秦而故於燕魏也所以去一國而死兩君者行合於志而慕義無窮也是以蘇秦不信天下為燕尾生白圭戰亡六城為魏取中山何則誠有以相知也蘇秦相燕人惡之於燕王燕王按劍而怒食以馱馱白圭顯於中山中山人惡之於魏文侯文侯投以夜光之璧何則兩主二臣剖心析肝相信豈移於浮詞哉故女無美惡入宮見如士無賢不肖入朝見嫉昔者司馬喜臙脚於宋宰相中山范睢摺脇折齒於魏卒為應侯此二人者皆信必然之畫捐朋黨之私挾孤獨之交故不能自免於嫉妬之人也是以申徒狄蹈雍之河徐衍負石入海不容身於世義不苟取比周於朝以移人主之心故百里奚乞食於道路緦公委之以政甯戚飯

音

新詞文選

卷之九

戶

再音任又音深

牛於車下而桓公任之以國此二人者豈素官於朝借譽於左右然後一主用之哉感於心合於意堅如膠漆昆弟不能離豈惑於衆口哉故偏聽生奸獨任成亂昔魯聽季孫之說逐孔子宋信子冉之計囚墨翟夫以孔墨之辯不能自免於讒諛而二國以危何則衆口鑠金積毀銷骨是以秦用戎人由余而霸中國齊用越人子臧而強威宣此二國豈拘於俗牽於世繫奇偏之辭哉公聽並觀垂名當世故意合則胡越為昆弟由余子臧是也不合則骨肉為讐敵朱象管蔡是也今人主誠能用齊秦之明後宋魯之聽則五伯不足侔而三王易為比也是以聖王覺悟捐子之之心而不說田常之賢良封比干之後修孕婦之墓故功業覆於天下何則欲善無厭也夫晉文公親其讐而強霸諸侯齊桓公用其仇而一匡

於音鳥

於音隻

極音帶又典禮切
木根也困去倫切
奇音衣

天下何則慈仁殷勤誠加於心此不可以虛辭借也至夫秦用商鞅之法東弱韓魏立強天下而卒車裂之越用大夫種之謀禽勁吳而霸中國遂誅其身是以孫叔敖三去相而不悔於陵子仲辭三公為人灌園今人主誠能去驕傲之心懷可報之意披心腹見情素藪肝膽施德厚終與之窮達無愛於士則桀之犬可使吠堯而跡之客可使刺由何況因萬乘之權假聖王之資乎然則荆軻沈七族要離燔妻子豈足為大王道哉臣聞明月之珠夜光之璧以暗投人於道路衆莫不按劍相眄者何則無因而至前也蟠木根柢輪困離奇而為萬乘器者何則以左右先為之容也故無因而至前雖出隋侯之珠夜光之璧抵足結怨而不見德故有人先談則枯木朽株樹功而不忘今天下布衣窮居之士身在貧賤雖蒙

堯舜之術挾伊管之辯懷龍逢比干之意欲盡忠當世之君而素無根柢之容雖竭精神欲開忠信輔人主之治則人主必襲按劍相眦之跡矣是使布衣之士不得為枯木朽株之資也是以聖王制世御俗獨化於陶鈞之上而不牽乎卑辭之語不奪乎衆多之口故秦皇帝任中庶子蒙嘉之言信荆軻之說而匕首竊發周文王獵涇渭載呂尚而歸以王天下秦信左右而亡周用烏集而王何則以其能越拘攣之語馳域外之議獨觀於昭曠之道也今人主沈於諂諛之詞牽於帷牆之制使不羈之士與牛驥同皁此鮑焦所以忿於世而不留富貴之樂也臣聞盛飾入朝者不以私污義砥礪名號者不以利傷行故里名勝母曾子不入邑號朝歌墨子迴車今欲使天下恢廓之士誘於威重之權脇於位勢之貴回面汗行以事諂諛之人而求親近於左右則士有伏死堀穴巖藪之中耳安有盡忠信而趨闕下者哉

上書諫獵

司馬相如

臣聞物有同類而殊能者故力稱烏獲捷言慶忌勇期賁育臣之愚暗竊以為人誠有之獸亦宜然今陛下好陵阻險射猛獸卒然遇軼才之獸駭不存之地犯屬車之清塵輿不及還轅人不暇施功雖有烏獲逢蒙之伎力不得施用枯木朽株盡為難矣是胡越起於轂下而羌夷接軫也豈不殆哉雖萬全無患然本非天子所宜近也且夫清道而後行中路而馳猶時有銜橛之變而況乎涉豐草騁丘墟前有利獸之樂而內無存變之意其為害也不亦難矣夫輕萬乘之重不以為安而樂出萬有一危之塗以為娛臣竊為陛下不取也蓋

忽輕也

開明者遠見於未萌而智者避危於無形禍故多藏於隱微而發於人所忽者也故鄙諺曰家累千金坐不垂堂此言雖小可以喻大臣願陛下留意幸察

上書諫吳王

枚乘

發准也

臣聞得全者昌失全者亡舜無立錐之地以有天下禹無十戶之聚以王諸侯湯武之士不過百里上不絕三光之明下不傷百姓之心者有王術也故父子之道天性也忠臣不避重誅以置直諫則事無遺策功流萬世臣乘願披心腹而效愚忠惟大王少加意念惻怛之心於臣乘言夫以一縷之任係千鈞之重上懸之無極之高下垂之不測之淵雖甚愚之人猶知哀其將絕也馬方駭鼓而驚之係方絕又重鎮之係絕於天不可復結墜入深淵難以復出其出不出間不容髮

起音奏

滄楚諒切

雷力散反
無也

能聽忠臣之言百舉必脫必若所欲為危於累卵難於上天變所以欲為易於反掌安於泰山今欲極天命之上壽弊無窮之樂究萬乘之勢不出反掌之易居泰山之安而欲乘累卵之危走上天之難此愚臣之所大惑也人性有畏其影而惡其迹却背而走迹逾多影逾疾不如就陰而止影滅迹絕欲人勿聞莫若勿言欲人勿知莫若勿為欲湯之滄一人炊之百人揚之無益也不如絕薪止火而已不絕之於彼而救之於此譬猶抱薪而救火也養由基楚之善射者去楊葉百步百發百中楊葉之大加百中焉可謂善射矣然其所止乃胎納其基絕其胎禍何自來哉泰山之雷穿石殫極之統斷幹水非石之鑽索非木之鋸漸靡使之然也夫銖銖而稱之

種先牢切

靈力公切

至石必差寸寸而度之。至丈必過石稱丈量。經而寡失。夫十圍之木。始生而蘖。足可搔而絕。手可擢而拔。據其未生。先其未形也。磨礪砥礪。不見其損。有時而盡。種樹畜養。不見其益。有時而大。積德累行。不知其善。有時而用。棄義背理。不知其惡。有時而亡。臣願王熟計而身行之。此百代不易之道也。

上書重諫吳王

枚乘

從子容切

昔秦西舉胡戎之難。北備榆中之關。南距羌笮之塞。東當六國之從。六國乘信陵之藉。明蘇秦之約。厲荆軻之威。并力一心。以備秦。然秦卒禽六國。滅其社稷。而并天下者。何也。則地利不同。而民輕重不等也。今漢據全秦之地。兼六國之衆。修戎狄之義。而南朝羌笮。此其與秦地相什。而民相百。大王之所明知也。今夫讒諛之臣。爲大王計者。不論骨肉之義。民之

量也。而銳切。音輻。齒猶當也。

奇免切

失讓切

輕重國之小大。以爲吳禍。此臣所以爲大王患也。夫舉吳兵。以訾於漢。譬猶蠅蚋之附羣牛。腐肉之齒利。劍鋒接。必無事矣。天下聞吳率失職。諸侯願責先帝之遺約。今漢親誅其三公。以謝前過。是大王之威加於天下。而功越於湯武也。夫吳有諸侯之位。而富實於天子。有隱匿之名。而居過於中國。夫漢并二十四郡。十七諸侯。方輸錯出。軍行數千里。不絕於郊。其珍怪。不如山東之府。轉粟西向。陸行不絕。水行滿河。不如海陵之倉。修治上林。雜以離宮。積聚玩好。囿守禽獸。不如長洲之苑。遊曲臺。臨上路。不如朝夕之池。深壁高壘。副以關城。不如江淮之險。此臣之所爲大王樂也。今大王還兵。疾歸。尚得十半。不然。漢知吳之有吞天下之心。赫然加怒。遣羽林黃頭。循江而下。襲大王之都。魯東海絕。吳之饜道。梁王飾車騎。

習戰射積粟固守以備榮陽待吳之飢大王雖欲反都亦不
得已夫三淮南之計不負其約齊王殺身以滅其迹四國不
得出兵其郡趙囚邯鄲此不可掩亦已明矣今大王已去千
里之國而制於十里之內矣張韓將北地弓高宿左右兵不
得下壁軍不得太息臣竊哀之願大王熟察焉

詣建平王上書

江淹

昔者賤臣叩心飛霜擊於燕地庶女告天振風襲於齊臺下
官每讀其書未嘗不廢卷流涕何者士有一定之論女有不
易之行信而見疑貞而為戮是以壯夫義士伏死而不顧者
此也下官聞仁不可恃善不可依謂徒虛語乃今知之伏願
王暫停左右少加憐察下官本蓬戶桑樞之人布衣韋帶之
士退不飾詩書以驚愚進不買名聲於天下日者謬得升降

凝堅也嚴敬也

承明之闕出入金華之殿何嘗不局影凝嚴側身局禁者乎

限隔也

竊慕大王之義復為門下之賓備鳴盜淺術之餘豫三五賤
伎之末大王惠以恩光顧以顏色實佩荆卿黃金之賜竊感
豫讓國士之分矣常欲結纓伏劍少謝萬一剖心摩踵以報
所天不圖小人固陋坐貽謗缺迹墜昭憲身限幽囹履影弔

涉歷也

心酸鼻痛骨下官聞虧名為辱虧形次之每以一念來忽若

種直追切擊也

有遺加以涉旬月迫季秋天光沉陰左右無色身非木石與

獄吏為伍此少卿所以仰天槌心泣盡而繼之以血者也下
官雖乏鄉曲之譽然嘗聞君子之行矣其上則隱於簾肆之
間臥於巖石之下次則結綬金馬之庭高議雲臺之上退則
虜南越之君係單于之頸俱啓丹冊並圖青史寧當爭分寸
之末競錐刀之利哉下官聞積毀銷金積讒磨骨遠則直生

取疑於盜金近則伯魚被名於不義彼之二子猶或如是況在下官焉能自免昔上將之恥絳侯幽獄名臣之差史遷下室至如下官當何言哉夫以魯連之智辭祿而不返接輿之賢行歌而忘歸子陵閉關於東越仲蔚杜門於西秦亦良可知也若使下官事非其虛罪得其實亦當鉗口吞舌伏匕首以殞身何以見齊魯奇節之人燕趙悲歌之士乎方今聖曆欽明天下樂業青雲浮洛榮光塞河西泊臨洮狄道北距飛狐陽原莫不浸仁沐義昭景飲醴而下官抱痛圖門含憤獄戶一物之微有足悲者仰惟大王少垂明白則梧丘之魂不愧於沉首鵠亭之鬼無恨於灰骨不任肝膽之切敬因執事以聞

啓類

蘇音尉

鉗其淹切

非上乃反

奉答勅示七夕詩啓

任昉

臣昉啓奉勅并賜示七夕五韻竊惟帝迹多緒俯同不一託情風什希世罕工雖漢在四世魏稱三祖寧足以繼想南風克諧調露性與天道事絕稱言豈其多幸親逢且暮臣早奉龍潛與賈馬而入室晚屬天飛比嚴徐而待詔惟君知臣見於訥言之旨取求不疵表於辯才之戲謹輒率庸陋式訓天獎拙速雖效蚩鄙已彰臨啓慙慙罔識所宜謹啓

爲卞彬謝脩卞忠貞墓啓

任昉

臣彬啓伏見詔書并鄭義泰宜勅當賜修理臣亡高祖晉故驃騎大將軍建興忠貞公壺墳塋臣門緒不昌天道所昧忠構身危孝積家禍名教同悲隱淪惆悵而年世貿遷孤裔流塞遂使碑表蕪滅丘樹荒毀狐兔成穴童牧哀歌感慨自哀

訓答也

應女六切寶音至

日月纏迫陛下弘宣教義非求救於方今壹餘烈不泯固陳力於異世但加等之渥近闕於晉典樵蘇之刑遠流於皇代臣亦何人敢謝斯幸不任悲荷之至謹奉啓以聞謹啓

上蕭太傅固辭奪禮啓

任昉

昉啓近啓歸訐庶諒窮款奉被還旨未垂哀察悼心失圖泣血待且昉於品庶不均鎔造干祿祿榮更爲自拔虧教廢禮豈關視聽所不忍言具陳茲啓昉往從末宦祿不代耕飢寒無甘旨之資限役廢晨昏之半膝下之歡已同過隙几筵之慕幾何可憑且奠酌不親如在安寄晨暮寂寥闕若無主所守旣無別理窮咽豈及多喻明公功格區宇感通有塗若霈然降臨賜寢嚴命是知孝治所被爰至無心錫類所及匪徒教義不任崩迫之情謹以啓事陳聞謹啓

醜力外切闕皆賣切
爰於也

彈事類

奏彈曹景宗

任昉

御史中丞臣任昉稽首言臣聞將軍死綏咫尺步無却顧望避敵逗撓有刑至乃趙母深識乞不爲坐魏主著令抵罪已輕是知敗軍之將身死家戮爰自古昔明罰在斯臣昉頓首頓首死罪死罪竊尋獯獫侵軼暨擾疆陲王師薄伐所向風靡是以淮徐獻捷河兗凱歸東關無一戰之勞塗中罕千金之費而司部懸隔斜臨寇境故使狡虜憑陵淹移歲月故司州刺史蔡道恭率勵義勇奮不顧命全城守死自冬徂秋猶轉戰無窮亟摧醜虜方之居延則陵降而恭守比之疎勒則耿存而蔡亡若使郢部救兵微接聲援則單于之首久懸北闕豈直受降可築涉安啓土而已哉寔由郢州刺史臣景宗受

魏奴教切

魏音勳檢音險

塗音途

新刊本選

謂音謂

取也

丁濫反馳式反

觀彊也

命致罰不時言邁故使蝟結蟻聚水草有依方復按甲盤桓
緩救資敵遂令孤城窮守力屈凶威雖然猶應固守三關更
謀進取而退師延頸自貽虧劔疆場侵駭職是之由不有嚴
刑誅賞安寘景宗卽主臣謹案使持節都督郢司二州諸軍
事左將軍郢州刺史湘西縣開國侯臣景宗擢自行間邁茲
多幸指縱非擬獲獸何勤賞茂通侯榮高列將負擔裁弛鐘
鼎遽列和戎莫效二八已陳自項至踵功歸造化潤草塗原
豈獲自已且道恭云逝城守累旬景宗之存一朝棄甲生曹
死蔡優劣若是惟此人斯有覲面目昔漢光命將坐知千里
魏武置法案以從事故能出必以律錙銖無爽伏惟聖武英
挺略不世出料敵制變萬里無差奉而行之實弘廟算惟此
庸固理絕言提自逆胡縱逸久患諸夏聖朝乃顧將一車書

慙眉殞切傷也

勅胡代切

押音押

緝音高又音乘沾也緝道也

慙彼司氓致辱非所早朝永歎載懷矜惻致茲虧喪何所逃
罪宜正刑書肅明典憲臣謹以劾請以見事免景宗所居官
下太常削爵上收付廷尉法獄治罪其軍佐職僚偏裨將帥
絀諸應及各者別攝治書侍御史隨違續奏臣謹奉白簡以
聞臣助誠惶誠恐頓首頓首死罪死罪臣助替首以聞

奏彈劉整

任助

汜音凡鍾音育

御史中丞臣任助稽首言臣聞馬援奉嫂不冠不入汜毓字
孤家無常子是以義士節夫聞之有立千載美談斯為稱首
臣助頓首頓首死罪死罪謹案齊故西陽內史劉寅妻范詣
臺訴列稱出適劉氏二十許年劉氏喪亡撫養孤弱叔卽整
恒欲傷害侵奪分前奴教子當伯並已入衆又以錢婢姊妹
弟温仍留奴自使又奪寅息遂婢綠草私貨得錢並不分遂

寅第二庶息師利去歲十月往整田上經十二日整便責范米六斗哺食米未展送忽至戶前隔箔攘拳大罵突進房中屏風上取車帷準米去一月九日夜婢采音偷車欄夾杖龍牽范問失物之意整便打息遠整及母并奴婢等六人來共至范屋中高聲大罵婢采音舉手查范臂求攝檢如訴狀輒攝整父舊使奴海蛤到臺辨問列稱整亡父興道先為零陵郡得奴婢四人分財以奴教子乞大息寅寅亡後第二弟整仍奪教子云應入眾整便留自使婢姊及弟各准錢五千文不分遠其奴當伯先是眾奴兄弟未分財之前整兄寅以當伯貼錢七千共眾作田寅罷西陽郡還雖未別火食寅以私錢七千贖當伯仍使上廣州去後寅喪亡整兄弟後分奴婢唯餘婢綠草入眾整復云寅未分財贖當伯又應屬眾整意

音器與也

音帖

音戶

野辰與切別館也

貪得當伯推綠草與遠整規當伯行還擬欲自取當伯遂經七年不返整疑已死亡不迴更奪取婢綠草貨得錢七千整兄弟及姊共分此錢又不分遠寅妻范云當伯是亡夫私贖應屬息遠當伯天鹽二年六月從廣州還至整復奪取云應充眾准雇借上廣州四年夫直今在整處使進責整婢采音劉整兄寅第一息師利去年十月十一日忽往整墅停住十一日整就兄妻范求米六斗哺食范未得還整怒仍自進范所住屏風上取車帷為質范送米六斗整則納受范今年二月九日夜云失車欄子夾杖龍牽等范及息遠道是采音所偷整聞聲仍打遠范喚問何意打我兒整母子爾時便同出中庭隔箔與范相罵婢采音及奴教子楚玉法忠等四人在時在整子母左右整語采音其道汝偷車校具汝何不進裏

舊承其切

下華切

維胡惟切

反 圖三合反軍而勇

罵之既進爭口舉手誤查范臂車欄夾杖龍牽實非采音所
 偷進責寅妻范奴苟奴列稱娘去二月九日夜失車欄夾杖
 龍牽疑是整婢采音所偷苟奴與郎逸往津陽門糴米遇見
 采音在津陽門賣車欄龍牽苟奴登時欲捉取逸語苟奴已
 爾不須復取苟奴隱僻少時伺視人買龍牽售五千錢苟奴
 仍隨逸歸宅不見度錢並如采音苟奴等列狀粗與范訴相
 應重覈當伯教子列稱被奪今在整處使悉與海蛤列不異
 以事訴法令史潘僧尚議整若輒略兄子逸分前婢貨賣及
 奴教子等私使若無官令輒收付近獄測治諸所連逮結應
 洗之源委之獄官悉以法制從事如法所稱整即主臣謹案
 新除中軍參軍臣劉整間闖闕茸名教所絕直以前代外戚
 仕因紈袴惡積纒稔親舊側目理絕通問而妄肆醜辭終夕

反 稽昌艷反質微二

不寐而謬加大杖薛包分財取其老弱高鳳自穢爭訟寡嫂
 未見孟嘗之深心唯倣文通之偽迹昔人睦親衣無常主整
 之撫姪食有故人何其不能折契鍾庾而擔帷交質人之無
 情一何至此實教義所不容紳冕所共棄臣等參議請以見
 事免整新除官輒勒外收付廷尉法獄治罪諸所連逮應洗
 之源委之獄官悉以法制從事婢采音不款偷車闌龍牽請
 付獄測實其宗長及地界職司初無糾舉及連逮請不足申
 盡臣助誠惶誠恐頓首頓首死罪死罪稽首以聞

奏彈王源

沈約

給事黃門侍郎兼御史中丞吳興邑中正臣沈約稽首言臣
 聞齊大非偶著乎前誥辭霍不婚垂稱往烈若乃交一族之
 和辨伉合之義升降窳隆誠非一揆固宜本其門素不相奪

切 依昔浪反 圖烏瓜

平昌究切猶雜也

姪音垂斯音斯賈音古興土典切

禮音辭篇之九切

反 處於紀反屬奴亂

蠹敗也

曹代也

采事也

西都念切

倫使秦晉有匹涇渭無舛自宋氏失御禮教彫衰衣冠之族日失其序姻婭淪雜罔計斯庶貶鬻祖曾以為賈道明目腆顏曾無愧畏若夫盛德之胤世業可懷藥郤之家前徽未遠既壯而室竊貲莫非阜隸結褵以行箕箒咸失其所志士聞而傷心舊老為之歎息自宸歷御寓弘革典憲雖除舊布新而斯風未殄陛下所以負展興言思清淑俗者也臣實懦品謬掌天憲雖埋輪之志無屈權右而狐鼠微物亦蠹大猷風聞東海王源嫁女與富陽滿氏源雖人品庸陋曹實參華曾祖雅位登八命祖少卿內侍帷幄父璿升采儲闈亦居清顯源頻叨諸府戎禁預班通微而託姻結唯利是求玷辱流輩莫斯為甚源人身在遠輒攝媒人劉嗣之到臺辨問嗣之列稱吳郡滿璋之相承云是高平舊族寵奮亂曹家計益足見

國音伐

節音妙醫之銳反 懸湯得反

託為息鸞覓婚王源見告窮盡即索璋之簿閱見璋之任王國侍郎鸞又為王慈吳郡正閣主簿源父子因共評議判與為婚璋之下錢五萬以為聘禮源先喪婦又以所聘餘直納妾如其所列則與風聞符同竊璋之姓族士庶莫辨滿奮身殞西朝胤嗣殄歿武秋之後無聞東晉其為虛託不言自顯王滿連姻寔駭物聽潘楊之睦有異於此且買妾納勝因聘為資施衿之費化充牀第鄙情贅行造次以之糾慝繩違允茲簡裁源即罪主臣謹案南郡丞王源忝藉世資得參纓冕同人者貌異人者心以彼行媒同之抱布且非我族類往哲格言薰不猶雜聞之前典豈有六卿之胄納女於管庫之人宋子河魴同穴於輿臺之鬼高門降衡雖自已作蔑祖辱親於事為甚此風弗翦其源遂開點世塵家將被比屋宜賓

以明科黜之流伍使已汚之族永愧於昔辰方媾之黨革心於來日臣等參議請以見事免源所居官禁錮終身輒下禁止視事如故源官品應黃紙臣輒奉白簡以聞臣約誠惶誠恐云云

牋類

答臨淄侯牋

楊脩

彌終也隆重也

辱汚也

脩死罪不待數日若彌年載豈由愛顧之隆使係仰之情深耶損辱嘉命蔚矣其文誦讀反覆雖諷雅頌不復過此若仲宜之擅漢表陳氏之跨冀域徐劉之顯青豫應生之發魏國斯皆然矣至於脩者聽采風聲仰德不暇自周章於省覽何遑高視哉伏惟君侯少長貴盛體發且之資有聖善之教遠近觀者徒謂能宜昭懿德光贊大業而已不復謂能兼覽傳

體同也

借音即

鷓音曷

少失照反
僭與僭同

記留思文章今乃舍王超陳度越數子矣觀者駭視而拭目聽者傾首而竦耳非夫體通性達受之自然其孰能至於此乎又嘗親見執事握牘持筆有所造作若成誦在心借書於手曾不斯須少留思慮仲尼日月無得踰焉脩之仰望殆如此矣是以對鷓而辭作暑賦彌日而不獻見西施之容歸憎其貌者也伏想執事不知其然猥受顧錫教使刊定春秋之成莫能損益呂氏淮南字直千金弟子籍口市人拱手者賢聖卓犖固所以殊絕凡庸也今之賦頌古詩之流不更孔公風雅無別耳修家子雲老不曉事強著一書悔其少作若此仲山周旦之疇為皆有僭耶君侯忘聖賢之顯迹述鄙宗之過言竊以為未之思也若乃不忘經國之大美流千載之英聲銘功景鐘書名竹帛斯自雅量素所蓄也豈與文章相妨

矇音蒙矇音叟

矇蘇果切矇本字

矇音叟

害哉輒受所惠竊備矇矇誦詠而已敢望惠施以忝莊氏季緒瓌瓌何足以云反答造次不能宜備脩死罪死罪

與魏文帝牋

繁欽

正月八日壬寅領主簿欽死罪死罪近屢奉牋不足自宣頌諸鼓吹廣求異妓時都尉薛訪車子年始十四能喉嚨引聲與筋同音白上呈見果如其言即日故共觀試乃知天壤之所生誠有自然之妙物也潛氣內轉哀音外激大不抗越細不幽散聲悲舊筋曲美常均及與黃門鼓吹溫胡迭唱迭和喉所發音無不響應曲折沉浮尋變入節自初呈試中間二句胡欲傲其所不知尚之以一曲巧竭意匱既已不能而此孺子遺聲抑揚不可勝窮優游變化餘弄未盡暨其清激悲吟雜以怨慕詠北狄之遐征奏胡馬之長思慟入肝脾哀感頑豔是時日在西隅涼風拂袵背山臨溪流泉東逝同坐仰歎觀者俯聽莫不泣泣隕涕悲懷慷慨自左驥史姍姍如名倡能識以來耳目所見僉口詭異未之聞也竊惟聖體兼愛好奇是以因牋先白委曲伏想御聞必含餘懽冀事速訖旋侍光塵寓目階庭與聽斯調宴喜之樂益亦無量欽死罪死罪

驥都年切姍奴紺切塞九件切姍字也切

詖居乙切竟也

答東阿王牋

陳琳

琳死罪死罪昨加恩辱命并示龜賦披覽粲然君侯體高俗之材秉青萍下將之器拂鐘無聲應機立斷此乃天然異稟非鑽仰者所庶幾也音義既遠清辭妙句焮絕煥炳譬猶飛兔流星超山越海龍驥所不敢追况於駑馬可得齊足夫聽白雪之音觀綠水之節然後東野巴人蚩鄙益著載懽載笑

燮鹽念反

欲罷不能謹韞櫝玩耽以爲吟頌琳死罪死罪

答魏太子牋

吳質

二月八日庚寅臣質言奉讀手命追亡慮存恩哀之隆形於文墨日月冉冉歲不與我昔侍左右厠坐衆賢出有微行之游入有管絃之歡置酒樂飲賦詩稱壽自謂可終始相保並騁材力效節明主何意數年之間死喪略盡臣獨何德以堪久長陳徐劉應才學所著誠如來命惜其不遂可爲痛切凡此數子於雍容侍從實其人也若乃邊境有虞羣下鼎沸軍書幅至羽檄交馳於彼諸賢非其任也往者孝武之世文章爲盛若東方朔枚臯之徒不能持論卽阮陳之儔也其唯嚴助壽王與聞政事然皆不慎其身善謀於國卒以敗亡臣竊恥之至於司馬長卿稱疾避事以著書爲務則徐生庶幾焉

而今各逝已爲異物矣後來君子實可畏也伏惟所天優游典籍之場休息篇章之圃發言抗論窮理盡微擗藻下筆鸞龍之文奮矣雖年齊蕭王才實自之此衆議所以歸高遠近所以同聲也然年歲若墜今質已四十一矣白髮生鬢所慮日深實不復若平生之時也但欲保身勅行不蹈有過之地以爲知己之累耳游宴之歡難可再遇盛年一過實不可追臣幸得下愚之才值風雲之會時遇齒載猶欲觸芻蕘首展其割裂之用也不勝悽悽以來命備悉故略陳至情質死罪死罪

在元城與魏太子牋

吳質

臣質言前蒙延納侍宴終日曜靈匿景繼以華燈雖虞卿適趙平原入秦受贈千金浮觴旬日無以過也小器易盈先取

載從結反
樓音婁

圖列也雜也

沃音沃又音脂沃疾智切寃信也

沈頓醒寤之後不識所言卽以五日到官初至承前未知深
淺然觀地形察土宜西帶恒山連岡平代北鄰柏人乃高帝
之所忌也重以沃水漸漬疆宇喟然歎息思淮陰之奇譎亮
成安之失策南望邯鄲想廉藺之風東接鉅鹿存李齊之流
都人士女服習禮教皆懷慷慨之節包左中之計而質闇弱
無以蒞之若乃邁德種恩樹之風聲使農夫逸豫於疆畔女
工吟咏於機杼固非質之能也至於奉遵科教班揚明令下
無威福之吏邑無豪俠之傑賦事行刑資於故實抑亦懍懍
有庶幾之心往者嚴助釋承明之歡受會稽之位壽王去侍
從之娛統東郡之任其後皆克復舊職追尋前軌今獨不然
不亦異乎張敞在外自謂無奇陳咸憤積思入京城彼豈虛
談夸論誑曜世俗哉斯實薄郡守之榮願左右之勤也古今

薄輕也

一揆先後不貿焉知來者之不如今聊以當觀不敢多云質
死罪死罪

質莫措切易也

爲鄭冲勸晉王賤

阮籍

冲等死罪伏見嘉命顯至竊聞明公固讓冲等眷眷實有愚
心以爲聖王作制百代同風褒德賞功有自來矣昔伊尹有
莘氏之勝臣耳一佐成湯遂荷阿衡之號周公籍已成之勢
據旣安之業光宅曲阜奄有龜蒙呂尚磻溪之漁者一朝指
麾乃封營丘自是以來功薄而賞厚者不可勝數然賢哲之
士猶以爲美談况自先相國以來世有明德翼輔魏室以綏
天下朝無闕政人無謗言前者明公西征靈州北臨沙漠榆
中以西望風震服羌戎東馳迴首內向東誅叛逆全軍獨尅
禽闔閭之將斬輕銳之卒以萬萬計威加南海名懾三越宇

勝由證切

磻蒲官切

之涉切

德同失也

內康寧。苛慝不作。是以殊俗畏威。東夷獻舞。故聖上覽乃昔。以來禮典舊章。開國光宅。顯茲太原。明公宜承聖旨。受茲介福。允當天人。元功盛勳。光光如彼。國土嘉祚。巍巍如此。內外協同。靡讐靡違。由斯征伐。則可朝服濟江。掃除吳會。西塞江源。望祀岷山。迴戈弭節。以麾天下。遠無不服。邇無不肅。大魏之德。光于唐虞。明公盛勳。超于桓文。然後臨滄洲。而謝支伯。登箕山。以揖許由。豈不盛乎。至公至平。誰與為鄰。何必勤勤小讓也哉。冲等不通大體。敢以陳聞。

拜中軍記室辭隋王牋

謝朓

故吏文學謝朓。死罪死罪。即日被尚書召。以朓補中軍新安王記室。參軍。朓聞潢汙之水。願朝宗。而每竭鴛鴦之乘。希沃若。而中疲何則。臯壤搖落。對之惆悵。岐路西東。或以嗚嗚。况

黃音黃汗音為

嗚鳥合切

帶音帝

算數也

未盧對反

亂絕流也。浮游也

睢乾也

溯音素

橫交也

副被也

到大司馬記室牋

任昉

記室參軍事。任昉死罪死罪。伏承以今月令辰。肅膺典冊。德顯功高。光副四海。含生之倫。庇身有地。况昉受教君子。將二

咳苦改切昧力代
反視也

淪沒也沈也

冠猶高也

遂古往古也

翹舉也

颶湯丁切

颶魚恭反

乘巨天子所登之
石也

颶竹尼切

颶止也

颶盡也

颶合也

颶成也

颶口貢反

舍威也

據以緝反

十年咳唾為恩。眴昧成飾。小人懷惠。顧知死所。昔承嘉宴。屬有緒言。提挈之旨。形乎善謔。豈謂多幸。斯言不渝。雖情謬先覺。而迹淪。驕餌湯沐。具而非弔。大厦構而相賀。明公道冠。二儀勲超。遂古將使。伊周奉轡。桓文扶轂。神功無紀。作物何稱。府朝初建。俊賢翹首。維此魚目。唐突璵璠。顧已循涯。寔知塵忝。千載一逢。再造難答。雖則隕越。且知非報。不勝荷戴。屏營之至。謹詣廳奉白牋。謝聞妨死罪死罪。

百辟勸進今上牋

任昉

近以朝命。縑策冒奏。丹誠奉被。還命未蒙。虛受。搢紳顛顛。深所未達。蓋聞受金於府。通人之弘。致高蹈海隅。匹夫之小節。是以履乘石。而周公不以為疑。增玉璜。而太公不以為讓。況世哲繼軌。先德在民。經綸草昧。敷深微管。加以朱方之役。荆

河是依。班師振旅。大造王室。雖累繭救。宋重朕存。楚以今觀。古曾何足。云而惑甚。盜鐘功疑。不賞皇天后上。不勝其酷。是以玉馬駿奔。表微子之去。金版出地。告龍逢之怨。明公據鞍。輟哭厲。三軍之志。獨居掩涕。激義士之心。故能使海若登祇。罄圖效祉。山戎孤竹。束馬景從。伐罪弔民。匡靖亂匪。叨天功實。勤濡足。且明公本自諸生。取樂名教。道風素論。坐鎮雅俗。不習孫吳。邁茲神武。驅盡誅之氓。濟必封之俗。龜土不毀。誰之功歟。獨為君子。將使伊周何地。某等不達。通變實有愚誠。不任慙款。悉心重謁。伏願時膺典冊。式副民望。

奏記詣蔣公

阮籍

籍死罪。死罪伏惟。明公以舍一之德。據上台之位。羣英翹首。俊賢抗足。開府之日。人人自以為掾屬。辟書始下。下走為首。

也走僕也舊說切帝也又音膚又音遂

子夏處西河之上而文侯擁篲鄒子居黍谷之陰而昭王陪乘夫布衣窮居韋帶之士王公大人所以屈體而下之者為道存也籍無鄒卜之德而有其陋猥煩大禮何以當之方將耕於東臯之陽輸黍稷之稅以避當塗者之路負薪疲病足力不疆補吏之日非所克堪乞廻謬恩以光清舉

書類

答蘇武書

李陵

子卿足下勤宣令德策名清時榮問休暢幸甚幸甚遠託異國昔人所悲望風懷想能不依依昔者不遺遠辱還答慰誨勤勤有踰骨肉陵雖不敏能不慨然自從初降以至今日身之窮困獨坐愁苦終日無親但見異類草謁毳幕以禦風雨羶肉酪漿以充饑渴舉目言笑誰與為歡胡地玄冰邊土慘

羶古豆切羶川芮反羶音莫

負背也

域國也

刺七亦反列亡粉切見何見切顧念也

足節喻反擗奮也

郤也

卒七忽切

裂但聞悲風蕭條之聲涼秋九月塞外草衰夜不能寐側耳遠聽胡笳互動牧馬悲鳴吟嘯成羣邊聲四起晨坐聽之不覺淚下嗟乎子卿陵獨何心能不悲哉與子別後益復無聊上念老母臨年被戮妻子無辜竝為鯨鯢身負國恩為世所悲子歸受榮我留受辱命也如何身出禮義之鄉而入無知之俗違棄君親之恩長為蠻夷之域傷已令先君之嗣更成戎狄之族又自悲矣功大罪小不蒙明察孤負陵心區區之意每下念至忽然忘生陵不難刺心以自明刎頸以見志顧國家於我已矣殺身無益適足增羞故每攘臂忍辱輒復苟活左右之人見陵如此以為不入耳之歡來相勸勉異方之樂抵令人悲增忉怛耳嗟乎子卿人之相知貴相知心前書倉卒未盡所懷故復略而言之昔先帝授陵步卒五千出征

塞居展切

如而去切

創初良切

呼火故切
血淚也

絕域五將失道陵獨遇戰而裹萬里之糧帥徒步之師出大
漠之外入疆胡之域以五千之眾對十萬之軍策疲乏之兵
當新羈之馬然猶斬將奪旗追奔逐北滅跡掃塵斬其梟帥
使三軍之士視死如歸陵也不才希當大任意謂此時功難
堪矣匈奴既敗舉國興師更練精兵彊踰十萬單于臨陣親
自合圍客主之形既不相如步馬之勢又甚懸絕疲兵再戰
一以當千然猶扶乘創痛決命爭首死傷積野餘不滿百而
皆扶病不任干戈然陵振臂一呼創病皆起舉刃指虜胡馬
奔走兵盡矢窮人無尺鐵猶復徒首奮呼爭為先登當此時
也天地為陵震怒戰士為陵飲血單于謂陵不可復得便欲
引還而賊臣教之遂復戰故陵不得免耳昔高皇帝以三
十萬眾困於平城當此之時猛將如雲謀臣如雨然猶七日

僅其斬及纜也
云云謂多言也

沫亡貝切率子律
反

椎直迫切

命名也

不食僅乃得免况當陵者豈易為力哉而執事者云云苟怨
陵以不死然陵不死罪也子卿視陵豈偷生之士而惜死之
人哉寧有背君親捐妻子而反為利者乎然陵不死有為也
故欲如前書之言報恩於國主耳誠以虛死不如立節滅名
不如報德也昔范蠡不殉會稽之恥曹沫不死三敗之辱卒
復句踐之讎報魯國之差區區之心竊慕此耳何圖志未立
而怨已成計未從而骨肉受刑此陵所以仰天椎心而泣血
也足下又云漢與功臣不薄子為漢臣安得不云爾乎昔蕭
樊囚繫韓彭趙醢鼂錯受戮周魏見辜其餘佐命立功之士
賈誼亞夫之徒皆信命世之才抱將相之具而受小人之讒
並受禍敗之辱卒使懷才受謗能不得展彼一子之遐舉誰
不為之痛心哉陵先將軍功略蓋天地義勇冠三軍徒失貴

到古今切又姑門
反表外也

幾巨依反

去惟再嫁也
猶二百切

臣之意到身絕域之表此功臣義士所以負戟而長歎者也
何謂不薄哉日足下昔以單車之使適萬乘之虜遭時不遇
至於伏劍不顧流離辛苦幾死朔北之野丁年奉使皓首而
歸老母終堂生妻去惟此天下所希聞古今所未有也蠻貊
之人尚猶嘉子之節况為天下之主乎陵謂足下當享茅土
之薦受千乘之賞聞子之歸賜不過一百萬位不過典屬國
無尺土之封加子之勤而妨功害能之臣盡為萬戶侯親戚
貪佞之類悉為廊廟宰子尚如此陵復何望哉且漢厚誅陵
以不死薄賞子以守節欲使遠聽之臣望風馳命此實難矣
所以每顧而不悔者也陵雖孤恩漢亦負德昔人有言雖忠
不烈視死如歸陵誠能安而主豈復能眷眷乎男兒生以不
成名死則葬蠻夷中誰復能屈身稽顙還向北闕使刀筆之
吏弄其文墨耶願足下勿復望陵嗟乎子卿夫復何言相去
萬里人絕路殊生為別世之人死為異域之鬼長與足下生
死辭矣幸謝故人勉事聖君足下胤子無恙勿以為念努力
自愛時因北風復惠德音李陵頓首

報任少卿書

司馬遷

太史公牛馬走司馬遷再拜言少卿足下曩者辱賜書教以
順於接物推賢進士為務意氣懃懃懇懇若望僕不相師而
用流俗人之言僕非敢如此也僕雖罷駑亦嘗側聞長者之
遺風矣顧自以為身殘處穢動而見尤欲益反損是獨鬱悒
而誰與語諺曰誰為為之孰令聽之蓋鍾子期死伯牙終身
不復鼓琴何則士為知己者用女為悅已者容若僕大質已
虧缺矣雖才懷隨和行若由夷終不可以為榮適足以見笑

懇苦本反而猶如
音奴

愷音邑

從才用反卒七忽

開音閑獨蓋也

薄音博田市丈反
雍紆共反門本

反

而自黜耳。書辭宜答會東。從上來。又迫賤事。相見日淺。卒卒無須臾之間。得竭志意。今少卿抱不測之罪。涉旬月。迫季冬。僕又薄從上。雍恐卒然不可為諱。是僕終已不得舒憤懣。以曉左右。則長逝者。冤鬼私恨無窮。請畧陳固陋。闕然久不報。幸勿為過。僕聞之。修身者。智之符也。愛施者。仁之端也。取與者。義之表也。耻辱者。勇之決也。立名者。行之極也。士有此五者。然後可以託於世。而列於君子之林矣。故禍莫憐於欲利。悲莫痛於傷心。行莫醜於辱先。詭莫大於宮刑。刑餘之人。無所比數。非一世也。所從來遠矣。昔衛靈公與雍渠同載。孔子適陳。商鞅因景監見趙良。寒心同子參乘。表絲變色。自古而耻之。夫中才之人事。有關於官。豈莫不傷氣。而況於慷慨之士乎。如今朝廷雖乏人。奈何令刀鋸之餘。薦天下之豪俊哉。

體音慘

論火構反又音垢
恥也

寒心愧恥也

惟思也

舉音寒取也

嚮許亮切

關吐臘又尊爾勇
反

僕賴先人緒業。得待罪輦轂下。二十餘年矣。所以自惟上之不能納忠。效信。有奇策。才力之譽。自結明主。次之。又不能拾遺補闕。招賢進能。顯巖穴之上。外之不能備行伍。攻城野戰。有斬將搴旗之功。下之不能積日累勞。取尊官厚祿。以為宗族交游光寵。四者無一。遂苟合取容。無所短長之效。可見如此矣。嚮者僕亦常廁下大夫之列。陪奉外廷。未議不以此時引綱維。盡思慮。今已虧形為掃除之隸。在闕茸之中。乃欲仰首伸眉。論列是非。不亦輕朝廷。羞當代之士耶。嗟乎。嗟乎。如僕尚何言哉。尚何言哉。且事本末未易明也。僕少負不羈之行。長無鄉曲之譽。主上幸以先人之故。使得奏薄伎。出入周衛之中。僕以為戴盆何以望天。故絕賓客之知。亡室家之業。日夜思竭其不肖之才力。務一心營職。以求親媚於主上。而

夫語助也

音捨

音五六反

音丁浪反音魚列反

音二挑徒鳥反又茶帶切

音敵也

音子智反

音妹卷音捲冒止比切音許亮切

音市丈反音史柱切

音悅也

音都割反

音蒲沃切露也

音閔也音魚解反音宋解反

音才呂切說音稅

音丘辨反列分也

音對也音二又人志切次也

音訓

新刊文選

卷之九

三

事乃有大謬不然者夫僕與李陵俱居門下素非能相善也
趨舍異路未嘗銜杯酒接殷勤之餘歡然僕觀其為人自守
奇士事親孝與士信臨財廉取與義分別有讓恭儉下人常
思奮不顧身以殉國家之急其素所蓄積也僕以為有國士
之風夫人臣出萬死不顧一生之計赴公家之難斯以奇矣
今舉事一不當而全軀保妻子之臣隨而媒孽其短僕誠私
心痛之且李陵提步卒不滿五千深踐戎馬之地足歷王庭
垂餌虎口橫挑彊胡仰億萬之師與單于連戰十有餘日所
殺過當虜救死扶傷不給鹽裹之君長咸震怖乃悉徵其左
右賢王舉引弓之人一國共攻而圍之轉鬪千里矢盡道窮
救兵不至士卒死傷如積然陵呼勞軍士無不起躬自流
涕沫血飲泣更張空券冒白刃北嚮爭死敵者陵未沒時使
有來報漢公卿王侯皆奉觴上壽後數日陵敗書聞主上為
之食不甘味聽朝不怡大臣憂懼不知所出僕竊不自料其
卑賤見主上慘愴怛悼誠欲效其款款之愚以為李陵素與
士大夫絕甘分少能得人之死力雖古之名將不能過也身
雖陷敗彼觀其意且欲得其當而報於漢事已無可奈何其
所摧敗功亦足以暴於天下矣僕懷欲陳之而未有路適會
召問即以此指推言陵之功欲以廣主上之意塞睚眦之辭
未能盡明明主不曉以為僕沮貳師而為李陵游說遂下於
理拳拳之忠終不能自列因為誣上卒從吏議家貧貨賂不
足以自贖交游莫救視左右親近不為一言身非木石獨與
法吏為伍深幽囹圄之中誰可告愬者此真少卿所親見僕
行事豈不然乎李陵既生降類其家聲而僕又佥之蠶室重

畜許六切

為天下觀笑。悲夫。悲夫。事未易一二為俗人言也。僕之先非有剖符丹書之功。文史星曆。近乎卜祝之間。固主上所戲弄。倡優所畜。流俗之所輕也。假令僕伏法受誅。若九牛亡一毛。與螻蟻何以異。而世俗又不能與死節者比。特以為智窮罪極。不能自免。卒就死耳。何也。素所自樹立。使然也。人固有一死。死或重於太山。或輕於鴻毛。用之所趣異也。太上不辱先。其次不辱身。其次不辱理色。其次不辱辭令。其次屈體受辱。其次易服受辱。其次關木索。被箠楚受辱。其次剔毛髮。嬰金鐵受辱。其次毀肌膚。斷支體受辱。最下腐刑。極矣。傳曰。刑不上大夫。此言士節不可不勉勵也。猛虎在深山。百獸震恐。及在檻穽之中。搖尾而求食。積威約之漸也。故士有畫地為牢。勢不可入。削木為吏議。不可對定計於鮮也。今交手足。

鮮明也

索先各反。被度義。切。篋之。葉。及。則。他。狄。切。斷。音。短。上。市。丈。切。

榜薄行反。圍牆獄也。槍七良切。

請室請罪之室

圍猶法也

受木索。暴肌膚。受榜箠。幽於圜牆之中。當此之時。見獄吏則頭搶地。視徒隸則正惕息。何者。積威約之勢也。及以是言不辱者。所謂彊顏耳。曷足貴乎。且西伯伯也。拘於羑里。李斯相也。具於五刑。淮陰王也。受械於陳。彭越張敖。南面稱孤。繫獄抵罪。絳侯誅諸呂。權傾五伯。囚於請室。魏其大將也。衣赭衣。關三木。李布為朱家鉗奴。灌夫受辱於居室。此人皆身至王侯將相。聲聞鄰國。及罪至罔加。不能引決自裁。在塵埃之中。古今一體。安在其不辱也。由此言之。勇怯勢也。強弱形也。審矣。何足怪乎。夫人不能早裁繩墨之外。以稍陵遲。至於鞭箠之間。乃欲引節。斯不亦遠乎。古人所以重施刑於大夫者。殆為此也。夫人情莫不貪生惡死。念父母。顧妻子。至激於義理者。不然。乃有所不得已也。今僕不幸。早失父母。無兄弟之

音

刑

卷

七

繹方追切

親獨身孤立少卿視僕於妻子何如哉且勇者不必死節怯夫慕義何處不勉焉僕雖怯懦欲苟活亦頗識去就之分矣何至自沉溺縲紲之辱哉且夫臧獲婢妾由能引決況僕之不得已乎所以隱忍苟活幽於糞土之中而不辭者恨私心有所不盡鄙陋沒世而文采不表於後世也古者富貴而名磨滅不可勝記唯倜儻非常之人稱焉蓋文王拘而演周易仲尼厄而作春秋屈原放逐乃賦離騷左丘失明厥有國語孫子臏脚兵法修列不韋遷蜀世傳呂覽韓非囚秦說難孤憤詩三百篇大底賢聖發憤之所為作也此人皆意有所鬱結不得通其道故述往事思來者乃如左丘無目孫子斷足終不可用退而論書策以舒其憤思垂空文以自見僕竊不遜近自託於無能之辭網羅天下放失舊聞略考其事綜其

臆毗忍友

底音指(靈)字偽友

斷丁管友

重遂用友(污)鳥臥友

終始稽其成敗興壞之紀上計軒轅下至于茲為十表本紀十二書八章世家三十列傳七十凡百三十篇亦欲以究天人之際通古今之變成一家之言草創未就會遭此禍惜其不成是以就極刑而無愠色僕誠已著此書藏之名山傳之其人通邑大都則僕償前辱之責雖萬被戮豈有悔哉然此可為知者道難為俗人言也且負下未易居下流多謗議僕以口語遇遭此禍重為鄉里所戮笑以污辱先人亦何面目復上父母之丘墓乎雖累百世垢彌甚耳是以腸一日而九迴居則忽忽若有所亡出則不知其所往每念斯耻汗未嘗不發背霑衣也身直為閨閣之臣寧得自引深藏巖穴耶故且從俗浮沉與時俯仰以通其狂惑今少卿乃教以推賢進士無乃與僕私心刺謬乎今雖欲自彫琢曼辭以自飾無益

刺方割友(憂)音萬

要一召反及也

暉於粉切

底音旨致也

於俗不信。祗足取辱耳。要之死日。然後是非乃定。書不能悉意。略陳固陋。謹再拜。

報孫會宗書

楊惲

惲材朽行穢。文質無所底。幸賴先人餘業。得備宿衛。遭遇時變。以獲爵位。終非其任。卒與禍會。足下哀其愚蒙。賜書教督。以所不及。殷勤甚厚。然竊恨足下不深惟其終始。而猥隨俗之毀譽也。言鄙陋之愚心。則若逆指而文。過默而息乎。恐違孔氏各言爾志之義。故敢略陳其愚。惟君子察焉。惲家方隆盛時。乘朱輪者十人。位在列卿。爵為通侯。總領從官。與聞政事。曾不能以此時有所建明。以宣德化。又不能與羣僚同心。并力陪輔。朝廷之遺忘已負。竊位素餐之責久又懷。祿貪勢不能自退。遂遭變故。橫被口語。身幽北闕。妻子滿獄。當此之時。自以夷滅不足以塞責。豈意得全首領。復奉先人之丘墓乎。伏惟聖主之恩。不可勝量。君子游道樂以忘憂。小人全軀說以忘罪。竊自思念。過已大矣。行已虧矣。長為農夫。以沒世矣。是故身率妻子。戮力耕桑。灌園治產。以給公上。不意當復用此為譏議也。夫人情所不能止者。聖人弗禁。故君父至尊。親送其終也。有時而既。臣之得罪已三年矣。田家作苦。歲時伏臘。烹羊炷酒。自勞家本秦也。能為秦聲。婦趙女也。雅善鼓琴。奴婢歌者數人。酒後耳熱。仰天撫缶。而呼嗚嗚。其詩曰。田彼南山。蕪穢不治。種一頃豆。落而為箕。人生行樂耳。須富貴何時。是日也。拂衣而喜。奮袖低昂。頓足起舞。誠淫荒無度。不知其不可也。惲幸有餘祿。方糴賤販。貴逐什一之利。此賈豎之事。汚辱之處。惲親行之。下流之人。眾毀所歸。不寒而

忘音旨

暉音良

沒終也

須待也

汚為臥反

賈豎之事。汚辱之處。惲親行之。下流之人。眾毀所歸。不寒而

慄雖雅知憚者猶隨風而靡尚何稱譽之有董生不云乎明
 明求仁義常恐不能化民者卿大夫之意也明明求財利常
 恐之困乏者庶人之事也故道不同不相為謀今子尚安得
 以卿大夫之制而責僕哉夫西河魏土文侯所興有段干木
 田子方之遺風凜然皆有節槩知去就之分頃者足下離舊
 土臨安定安定山谷之間昆夷舊壤子弟貪鄙豈習俗之移
 入哉於今乃睹子之志矣方當盛漢之隆願勉旃無多談

論盛孝章書

孔融

歲月不居時節如流五十之年忽焉已至公為始滿融又過
 二海內知識零落殆盡惟會稽盛孝章尚存其人困於孫氏
 妻孥湮沒單子獨立孤危愁苦若使憂能傷人此子不得復
 永年矣春秋傳曰諸侯有相滅亡者桓公不能救則桓公耻

殆近也

之今孝章實丈夫之雄也天下談士依以揚聲而身不免於
 幽執命不期於旦夕是吾祖不當復論損益之友而朱穆所
 以絕交也公誠能馳一介之使加咫尺之書則孝章可致友
 道可弘矣今之少年喜謗前輩或能譏平孝章孝章要為有
 天下大名九牧之人所共稱歎燕君市駿馬之骨非欲以騁

平皮柄切議也要一召切

正猶繼也

經胡定切

道里乃當以招絕足也惟公匡復漢室宗社將絕又能正之
 正之之術實須得賢珠玉無蹕而自至者以人好之也况賢
 者之有足乎昭王築臺以尊郭隗隗雖小才而逢大遇竟能
 發明主之至心故樂毅自魏往劇辛自趙往鄒衍自齊往嚮
 使郭隗倒懸而王不解臨溺而王不拯則士亦將高翔遠引
 莫有比首燕路者矣凡所稱引自公所知而復有云者欲公
 崇篤斯義也因表不悉

解居簡反

引以刃反去也

首音獸向也

爲幽州牧與彭寵書

朱浮

名字謂聲譽也

蓋聞智者順時而謀。愚者逆理而動。常竊悲京城太叔以不知足而無賢輔。卒自棄於鄭也。伯通以名字典郡。有佐命之功。臨民親職。愛惜倉庫。而浮秉征伐之任。欲權時救急。二者皆爲國耳。卽疑浮相譖。何不詣闕自陳。而爲族滅之計乎。朝廷之於伯通。恩亦厚矣。委以大郡。任以威武。事有柱石之寄。情同子孫之親。匹夫媵母尚能致命一殮。豈有身帶三綬。職典大邦。而不顧恩義。生心外叛者乎。伯通與吏民語。何以爲顏行步拜起。何以爲容坐臥念之。何以爲心引鏡窺影。何以爲施眉目。舉措建功。何以爲人惜乎。棄休令之嘉名。造梟鴟之逆謀。捐傳葉之慶祚。招破敗之重災。高論堯舜之道。不忍桀紂之性。生爲世笑。死爲愚鬼。不亦哀乎。伯通與耿俠游。俱起

勝以證反

臬古亮反。鷓昌夷反。

被皮義反

佐命同被國恩。俠游謙讓。屢有降挹之言。而伯通自伐。以爲功高天下。往時遼東有豕生子。白頭異而獻之。行至河東。見羣豕皆白懷慙。而還若以子之功。論於朝廷。則爲遼東豕也。今乃愚妄自比六國六國之時。其勢各盛。廓上數千里。勝兵將百萬。故能據國相持。多歷年所。今天下幾里。列郡幾城。奈何以區區漁陽而結怨天子。此猶河濱之人捧土以塞孟津。多見其不知量也。方今天下適定。海內願安。士無賢不肖。皆樂立名於世。而伯通獨中風狂走。自捐盛時。內聽嬌婦之失計。外信讒邪之諛言。長爲羣后惡法。永爲功臣鑒戒。豈不誤哉。定海內者無私讐。勿以前事自疑。願留意顧老母少弟。凡舉事無爲親厚者所痛。而爲見讐者所快。

樂力各反

所數也

爲曹洪與魏文帝書

陳琳

過古臥反

粗祖古切

縞古老反

彊其良切

斃婢袂反

十一月五日洪白前初破賊情侈意奢說事頗過其實得九

月二十日書讀之喜笑把玩無厭亦欲令陳琳作報琳頃多

事不能得為念欲遠以為歡故自竭老夫之思辭多不可一

二粗舉大綱以當談笑漢中地形實有險固四嶽三塗皆不

及也彼有精甲數萬臨高守要一夫揮戟萬人不得進而我

軍過之若駭鯨之決細網奔兕之觸魯縞未足以喻其易雖

云王者之師有征無戰不義而彊古人常有故唐虞之世蠻

夷猾夏周宣之盛亦讐大邦詩書歎載言其難也斯皆憑阻

恃遠故使其然是以察茲地勢謂為中才處之殆難倉卒來

命陳彼妖惑之罪序王師曠蕩之德豈不信然是夏殷所以

喪苗扈所以斃我之所以克彼之所以敗也不然商周何以

不敵哉昔鬼方聾昧崇虎讒凶殷辛暴虐三者皆下科也然

盟音孟

殪音馨

斃方而反

緹勅律反

焉一乾反

王約當綿駒但文
人用之誤圖一侯

高宗有三年之征文王有退修之軍盟津有再駕之役然後

殪戎勝殷有此武功焉未有星流景集颶奮霆擊長驅山河

朝至暮捷若今者也由此觀之彼固不逮下愚則中才之守

不然明矣在中才則謂不然而來示乃以為彼之惡稔雖有

孫田墨斃猶無所救竊又疑焉何者古之用兵敵國雖亂尚

有賢人則不伐也是故三仁未去武王還師宮奇在虞晉不

加戎李梁猶在彊楚挫謀暨至眾賢奔緹一國為墟明其無

道有人猶可救也且夫墨子之守縈帶為垣高不可登折箸

為械堅不可入若乃距陽平據石門據八陣之列騁奔牛之

權焉肯土崩魚爛哉設令守無巧拙皆可攀附則公輸已陵

宋城樂毅已拔即墨矣墨翟之術何稱田單之智何貴老夫

不敏未之前聞蓋聞過高唐者效王豹之謳游睢渙者學藻

新刊文選卷之九

反曠息惟友

願小也

備七清反曠音絲
汙音烏

駮補角反丘空也
虛也曠其略反笑也

績之絲間自入益部仰司馬楊王之遺風有子勝斐然之志
故頗奮文辭異於他日怪乃輕其家丘謂為倩人是何言歟
夫駮驥垂耳於坳牧鴻雀戢翼於汙池褻之者固以為囿囿
之凡鳥外廐之下乘也及其整蘭筋揮勁翮陵厲清淨顧躬
千里豈可謂其借翰於晨風假足於六駮哉恐猶未信丘言
必大喙也洪白

為曹公作書與孫權

阮瑀

離絕以來于今三年無一日而忘前好亦猶姻媾之義恩情
已深違異之恨中間尚淺也孤懷此心君豈同哉每覽古今
所由改趣因緣侵辱或起瑕釁心忿意危用成大變若韓信
傷心於失楚彭寵積望於無異盧綰嫌畏於已隙英布憂迫
於情漏此事之緣也孤與將軍恩如骨肉割授江南不屬本

放方徃反

貸他改反實音肥

碩與石古字通

觀古亂反

折立音苦

變碎計反度大各

備子夷反持也
重罪也

隙離也

州豈若淮陰捐舊之恨抑遏劉馥相厚益隆寧放朱浮顯露
之奏無匿張勝貸故之變非有陰構貞赫之告固非燕王淮
南之豐也而忍絕王命明棄碩交實為佞人所構會也夫似
是之言莫不動聽因形設象易為變觀示之以禍難激之以
耻辱大丈夫雄心能無憤發昔蘇秦說韓羞以牛後韓王按
劍作色而怒雖兵折地割猶不為悔人之情也仁君年壯氣
盛緒信所廢既懼患至兼懷忿恨不能復遠度孤心近慮事
勢遂齎見薄之決計秉翻然之成議加劉備相扇揚事結疊
連推而行之想暢本心不願於此也孤以薄德位高任重幸
蒙國朝將泰之運盪平天下懷集異類喜得全功長享其福
而姻親坐離厚援生隙常恐海內多以相責以為老夫包藏
禍心陰有鄭武取胡之詐乃使仁君翻然自絕以是忿忿懷

效勤也數三已七也

鮑榮美友鳳力瑞反也猶何也灑士交及又子小

慙反側常思除棄小事更申前好二族俱榮流祚後嗣以明
雅素中誠之效抱懷數年未得散意昔赤壁之後遭離疫氣
燒船自還以避惡地非周瑜水軍所能抑挫也江陵之守物
盡穀殫無所復據徙民還師又非瑜之所能敗也荆土本非
已分我盡與君冀取其餘非相侵肌膚有所割損也思計此
變無傷於孤何必自遂於此不復還之高帝設爵以延田橫
光武指河而誓朱鮪君之負累豈如二子是以至情願聞德
音往年在譙新造舟船取足自載以至九江貴欲觀湖濊之
形定江濱之民甲非有深入攻戰之計也將恐議者大為已
榮自謂策得長無西患重以此故未肯迴情然智者之慮慮
於未形達者所規規於未兆是故子胥知姑蘇之有麋鹿輔
果識智伯之為趙禽穆生謝病以免楚難鄒陽北游不同吳

量音良

巧口幸反

效學也圖謀也

禍此四士者豈聖人哉徒通變思深以微知著耳以君之明
觀狐術數量君所據相計土地豈勢少力乏不能遠舉割江
之表晏安而已哉甚未然也若恃水戰臨江塞要欲令王師
終不得渡亦未必也夫水戰千里情巧萬端越為三軍吳曾
不禦漢潛夏陽魏豹不意江河雖廣其長難衛也凡事有宜
不得盡言將修舊好而張形勢更無以威脅重敵人之心然
有所恐恐書無益何則往者軍逼而自引還今日在遠而興
慰納辭遜意狹謂其力盡適以增驕不足相動但明效古當
自圖之耳昔淮南信左吳之策隗囂納王元之言彭寵受親
吏之計三夫不寤終為世笑梁王不受詭勝竇融斥逐張玄
二賢既覺福亦隨之願仁君少留意焉若能內取子布外擊
劉備以效赤心用復前好則江表之任長以相付高位重爵

坦然寬也

婉猶親愛也

大雅謂君子也

坦然可觀上令聖朝無東顧之勞下令百姓保安全之福君
享其榮孤受其利豈不快哉若忽至誠以處僥倖婉彼二人
恐不加罪所謂小人之仁大人之賊大雅之人不肯為此也
若憐子布願言俱存亦能傾心去恨順君之情更與從事取
其後善但禽劉備亦足為效開設二者審處一焉聞荆揚諸
將竝得降者皆言交州為君所執豫章距命不承執事疲旱
竝行人兵損減各求進軍其言云云孤聞此言未以為悅然
道路既遠降者難信幸人之災君子不為且又百姓國家之
有加懷區區樂欲崇和庶幾明德來見昭副不勞而定於孤
益貴是故案兵守次遣書致意古者兵交使在其中願仁君
及孤虛心迴意是以應詩人補袞之歎而慎周易牽復之義
濯鱗清流飛翼大衢良時在茲勗之而已

與梁朝歌令吳質書

魏文帝

恙憂也局近也

良猶實在當也

旅眾也
匿沒也

長逝死也

五月二十八日丕白李重無恙塗路雖局官守有限願言之
懷良不可任足下所理僻左書問致簡益用增勞每念昔日
南皮之游誠不可忘既妙思六經逍遙百氏彈棊間設終以
六博高談娛心哀箏順耳馳騁北場旅食南館浮甘瓜於清
泉沉朱李於寒水白日既匿繼以朗月同乘竝載以游後園
輿輪徐動叅從無聲清風夜起悲笳微吟樂往哀來愴然傷
懷余顧而言斯樂難常足下之徒咸以為然今果分別各在
一方元瑜長逝化為異物每一念至何時可言方今蕤賓紀
時景風扇物天氣和暖眾果具繁時駕而游北遵河曲從者
鳴笳以啓路文學託乘於後車節同時異物是人非我勞如
何今遣騎到鄴故使杜道相過行矣自愛丕白

與吳質書

魏文帝

行猶具又四時運也復去聲又寒暑往復也過古敗

離逢也

處昌呂反

已音紀零落死也

淡天斬反

健力展反

二月三日不白歲月易得別來行復四年二年不見東山猶歎其遠況及過之思何可支雖書疏往返未足解其勞結昔年疾疫親故多離其災徐陳應劉一時俱逝痛可言邪昔日游處行則連興止則接席何曾須臾相失母至觴酌流行絲竹竝奏酒酣耳熱仰而賦詩當此之時忽然不自知樂也謂百年已分可長共相保何圖數年之間零落略盡言之傷心頃撰其遺文都為一集觀其姓名已為鬼錄追思昔游猶在心目而此諸子化為糞壤可復道哉觀古今文人類不護細行鮮皆能以名節自立而偉長獨懷文抱質恬淡寡欲有箕山之志可謂彬彬君子者矣著中論二十篇成一家之言辭義典雅足傳千後此子為不朽矣德璉常斐然有述作之意

救亡粉反行復也

道盡也

逮音代

瞋音銘

其才學足以著書美志不遂良可痛惜間者歷覽諸子之文對之投淚既痛逝者行自念也孔璋章表殊健微為繁富公幹有逸氣但未道耳其五言詩之善者妙絕時人元瑜書記翩翩致足樂也仲宣獨自善於辭賦惜其體弱不足起其文至於所善古人無以遠過昔伯牙絕絃於鍾期仲尼覆醢於子路痛知音之難遇傷門人之莫逮諸子但為未及古人亦一時之偶也今之存者已不逮矣後生可畏來者難誣恐吾與足下不及見也年行已長大所懷萬端時有所慮至乃通夜不瞑志意何時復類昔日已成老翁但未白頭耳光武有言年已三十餘在兵中十歲所更非一吾德不及之年與之齊矣以犬羊之質服虎豹之文無眾星之明假日月之光動見瞻觀何時易乎恐永不復得為昔日游也少壯真當努力

攀音班切
援音爰切
願少也

年一過往何可攀援。古人思秉燭夜遊，良有以也。頃何以自娛，頗復有所述造。公東望於邑，裁書敘心。不白。

與鍾大理書

魏文帝

與音余
附音蕃反

助音方

不白。良玉比德君子，珪璋見美詩人。晉之垂棘，魯之與珮，宋之結絲，楚之和璞，價越萬金，貴重都城。有稱疇昔，流聲將來。是以垂棘出，晉虞號雙禽，和璧入秦，相如抗節，竊見玉書，稱美玉白如截肪，黑譬純漆，赤擬雞冠，黃侔蒸栗。側聞斯語，未覩厥狀，雖德非君子，義無詩人，高山景行，私所慕仰。然四寶邈焉已遠，秦漢未聞，有良比也。求之曠年，不遇厥真，私願未果，饑渴未副。近日南陽宗惠叔稱君侯，昔有美玦，聞之驚喜，笑與拊會，當自白書，恐傳言未審，是以令舍弟子建，因荀仲茂時，從容喻鄙旨，乃不忽遺厚見，周稱鄴騎，既到寶玦，初至捧匣跪發，五內震駭，繩窮匣開，爛然滿目，猥以蒙鄙之姿，得覩希世之寶，不煩一介之使，不損連城之價，既有秦昭章臺之觀，而無蘭生詭奪之誑，嘉貺益腆，敢不欽承，謹奉賦一篇，以讚揚麗質。不白。

拊音卜

映湯典反

與楊德祖書

曹植

植白。數日不見，思子為勞，想同之也。僕少小好為文章，迄至于今，二十有五年矣。然今世作者，可略而言也。昔仲宣獨步於漢南，孔璋鷹揚於河朔，偉長擅名於青土，公幹振藻於海隅，德璉發跡於此魏，足下高視於上京。當此之時，人人自謂握靈蛇之珠，家家自謂抱荆山之玉。吾王於是設天綱以該之，頓八紘以掩之。今悉集茲國矣，然此數子猶復不能飛騫絕跡，一舉千里也。以孔璋之才，不閑於辭賦，而多自謂能與

騫許言切
高飛兒

音

新刊

卷之九

三十一

彈大且反

過古臥反

媛于志反斷丁段反

試下禮反詞時詩切

石切此音紫毀也

五帝少昊顓頊高辛唐虞三王夏殷

周五霸秦繆楚莊齊桓晉文宋襄趙昌待反

司馬長卿同風譬畫虎不成反為狗者也前有書嘲之反作論盛道僕讚其文夫鍾期不失聽于今稱之吾亦不能妄歎者畏後世之嗤余也世人著述不能無病僕常好人譏彈其文有不善應時改定昔丁敬禮嘗作小文使僕潤飾之僕自以才不過若人辭不為也敬禮謂僕卿何所疑難文之佳惡吾自得之後世誰相知定吾文者邪吾嘗歎此達言以為美談昔尼父之文辭與人通流至於制春秋游夏之徒乃不能措一辭過此而言不病者吾未之見也蓋有南威之容乃可以論於淑媛有龍淵之利乃可以議於斷割李緒才不能逮於作者而好詆訶文章倚撫利病昔田巴毀五帝罪三王皆五霸於稷下一且而服千人魯連一說使終身杜口劉生之辯未若田氏今之仲連求之不難可無歎息乎人各有好尚蘭茝蓀蕙之芳衆人所好而海畔有逐臭之夫咸池六莖之發衆人所共樂而墨翟有非之之論豈可同哉今往僕少小所著辭賦一通相與夫街談巷說必有可采擊壤之歌有應風雅匹夫之思未易輕棄也辭賦小道固未足以掄揚大義彰示來世也昔揚子雲先朝執戟之臣耳猶稱壯夫不為也吾雖薄德位為藩侯猶庶幾勦力上國流惠下民建永世之業流金石之功豈徒以翰墨為勳績辭賦為君子哉若吾志未果吾道不行則將采庶官之實錄辯時俗之得失定仁義之衷成一家之言雖未能藏之於名山將以傳之於同好非要之皓首豈今日之論乎其言之不慙恃惠子之知我也明早相迎書不盡懷曹植白

勦力彫切

要一召切

與吳季子重書

曹植

新刊

卷之九

三

調天甲切坐臥在臥切

嚼慈躍切

抑止也願下也

許記反

植白季重足下前日雖因常調得為密坐雖讌飲彌日其於別遠會稀猶不盡其勞積也若夫觴酌凌波於前簫笳發音於後足下鷹揚其體鳳觀虎視謂蕭曹不足儔衛霍不足侔也左顧右盼謂若無人豈非君子壯志哉過屠門而大嚼雖不得肉貴且快意當斯之時願舉泰山以為肉傾東海以為酒伐雲夢之竹以為笛斬泗濱之梓以為箏食若填巨壑飲若灌漏卮其樂固難量豈非大丈夫之樂哉然日不我與曜靈急節而有逸景之速別有參商之闊思欲抑六龍之首頓羲和之轡折若木之華閉濛汜之谷大路高邈良無由緣懷戀反側如何如何得所來訊文采委曲擘若春榮瀏若清風申詠反覆曠若復向其諸賢所著文章想還所治復申詠之也可令憲事小史諷而誦之夫文章之難非獨今也古之君子猶亦病諸家有千里驥而不珍焉人懷盈尺和氏而無貴矣夫君子而不知音樂古之達論謂之通而蔽墨翟不好伎何為過朝歌而迴車乎足下好伎而正值墨氏迴車之縣想足下助我張目也又聞足下在彼自有佳政夫求而不得者日有之矣未有不求而自得者也且改轍易行非良樂之御易民而治非楚鄭之政願足下勉之而已矣適對嘉賓口授不悉往來數相聞曹植白

病諸猶難之也

子猶亦病諸家有千里驥而不珍焉人懷盈尺和氏而無貴矣夫君子而不知音樂古之達論謂之通而蔽墨翟不好伎何為過朝歌而迴車乎足下好伎而正值墨氏迴車之縣想足下助我張目也又聞足下在彼自有佳政夫求而不得者日有之矣未有不求而自得者也且改轍易行非良樂之御易民而治非楚鄭之政願足下勉之而已矣適對嘉賓口授不悉往來數相聞曹植白

答東阿王書

吳質

伸展也

選方氏切通移系切小而相連兒

越失也

質白信到奉所惠貺發函伸紙是何文采之巨麗而慰喻之綢繆乎夫登東嶽者然後知衆山之邈迤也奉至尊者然後知百里之卑微也自旋之初伏念五六日至于旬時精散思越惘若有失非敢羨寵光之休慕猗頓之富也誠以身賤大

深思列反

耀七笑切 譏火爰切

惟一緣反

醜音尸 厚食也 醜音橫

馬德輕鴻毛。至乃歷玄闕。排金門。升玉堂。伏虛檻於前殿。臨曲池而行觴。既威儀。虧替言辭。漏渫雖恃平原。養士之懿。愧無毛遂。耀穎之才。深蒙薛公折節之禮。而無馮諼三窟之效。屢獲信陵虛左之德。又無侯生可述之美。凡此數者。乃質之所以憤積於胃臆。懷眷而惜邑者也。若追前宴。謂之未究。欲傾海為酒。并山為肴。伐竹雲夢。斬梓泗濱。然後極雅意。盡歡情。信公子之壯觀。非鄙人之所庶幾也。若質之志。實在所天。思投印釋黻。朝夕侍坐。鑽仲父之遺訓。覽老氏之要言。對清醑而不酌。抑嘉肴而不享。使西施出帷。嫫母侍側。斯盛德之所蹈。明哲之所保也。若乃近者之觀。實蕩鄙心。秦箏發徽。二八迭奏。塤簫激於華屋。靈鼓動於座左。耳嘈嘈於無聞。情踴躍於鞍馬。謂可北懾肅慎。使貢其楛矢。南震百越。使獻其白

省思郢反

式用也

旅五百人 步六尺 武跡也

處昌呂切

璩其魚切 見何見反

雉。又况權備夫何足視乎。還治諷采所著。觀省英瑋。實賦頌之宗。作者之師表也。衆賢所述。亦各有志。昔趙武過鄭。七子賦詩。春秋載列。以為美談。質小人也。無以承命。又所答既辭。醜義陋申之再三。赧然汗下。此邦之人。閑習辭賦。三事大夫。莫不諷誦。何但小史之有乎。重惠苦言。訓以政事。惻隱之恩。形乎文墨。墨子迴車。而質四年。雖無德與民。式歌且舞。儒墨不同。固以久矣。然一旅之衆。不足以揚名。步武之間。不足以騁跡。若不改轍易御。將何以效其力哉。今處此而求大功。猶絆良驥之足。而責以千里之任。檻後猴之勢。而望其巧捷之能者。也不勝見恤。謹附遣白。答不敢繁詞。吳質白。

與滿公琰書

應璩

璩白。昨者不遺猥見。照臨雖昔。侯生納顧於夷門。毛公受眷

見何見反

量音亮

情倉旬切

於逆旅無以過也。外嘉郎君謙下之德，內幸碩才見誠，知已歡欣踴躍，情有無量。是以奔騁御僕，宣命周求，陽晝喻於詹何，楊倩說於范武，故使鮮魚出自潛淵，芳旨發自幽巷。繁俎綺錯，羽爵飛騰，牙曠高徽，義渠哀激。當此之時，仲孺不辭同產之服，孟公不顧尚書之期，徒恨宴樂始酣，白日傾父，驪駒就駕，意不宜展。追惟耿介，迄于明發，適欲遣書，會承來命。知諸君子復有漳渠之會，夫漳渠西有伯陽之館，北有曠野之望，高樹翳朝雲，文禽蔽綠水，沙場夷敞，清風肅穆，是京臺之樂也。得無流而不反乎？適有事務，須自經營，不獲侍坐，良增邑邑。因白，不悉。璩白。

與侍郎曹長思書

應璩

圖音因關音都

璩白。足下去後，甚相思想。叔田有無人之歌，闔閭有匪存之

駟古視字

塊然獨居兒

思風人之作，豈虛也哉！王肅以宿德顯授，何曾以後進見拔，皆鷹揚虎眄，有萬里之望。薄援助者，不能追參於高妙，復歛翼於故枝，塊然獨處，有離羣之志。汲黯樂在郎署，何武耻為宰相，千載揆之，知其有由也。德非陳平，門無結駟之跡，學非揚雄，堂無好事之客。才劣仲舒，無下帷之思；家貧孟公，無置酒之樂。悲風起於閨闈，紅塵蔽於几榻，幸有袁生時步，玉趾樵蘇，不爨清談而已。有似周黨之過，閔子夫皮朽者，毛落川涸者，魚逝春生者，繁華秋榮者，零悴自然之數，豈有恨哉！聊與大弟陳其苦懷耳。想還在近，故不益言。璩白。

與廣川長岑文瑜書

應璩

璩白。頃者炎旱日更增甚，沙磧銷鑠，草木焦卷，處涼臺而有鬱蒸之煩，浴寒水而有灼爛之慘。宇宙雖廣，無陰以慰雲漢

蒸之刺切

解居買切 附況于切

之詩何以過此。土龍矯首於玄寺，泥人鶴立於闕里。修之歷句，靜無徵效。明勸教之術，非致雨之備也。知恤下民，躬自暴露。拜起靈壇，勤亦至矣。昔夏禹之解陽，盱殷湯之禱桑林。言未發而水旋流，辭未卒而澤滂沛。今者雲重積而復散，雨垂落而復收。得無賢聖殊品，優劣異姿。割髮宜及，膚剪爪宜侵肌乎。周征殷而年豐，衛伐邢而致雨。善否之應，甚於影響。未可以為不然也。想雅思所未及，謹書起予。應璩白。

與從弟君苗君曹書

應璩

璩報問者。北游喜歡無量，登芒濟河，曠若發矇。風伯掃塗，雨師灑道。按轡清路，周望山野。亦既至止，酌彼春酒。接武茅茨，涼過人夏。扶寸肴脩，味踰方丈。逍遙陂塘之上，吟詠菀柳之下。結春芳以崇佩，折若華以翳日。卜高雲之鳥餌，出深淵

扶音層 厚字四指也

菀音鬱

崇音充也

餌音

且子餘反 環緣反

瀕近也

鄧音質

緡音旻

之魚。蒲且讚善，便嬛稱妙。何其樂哉。雖仲尼忘味於虞韶，楚人流遁於京臺，無以過也。班嗣之書信不虛矣。來還京都，塊然獨處，營宅濱洛，困於囂塵。思樂汶上，每發於寤寐。昔伊尹輟耕，邳惲投竿，思致君於有虞。濟蒸人於塗炭，而吾方欲秉耒耜於山陽，沉鈎緡於丹水。知其不如古人遠矣。然山父不貪天下之樂，曾參不慕晉楚之富，亦其志也。前者邑人念弟無已，欲令州郡崇禮，師官授邑，誠美意也。歷觀前後，來入軍府，至有皓首猶未遇也。徒有饑寒駿奔之勞，俟河之清，入壽幾何。且宦無金張之援，游無子孟之資。而圖富貴之榮，望殊異之寵，是隴西之游越人之射耳。幸賴先君之靈，免負擔之勤，追蹤文人，畜雞種黍，潛精墳籍，立身揚名，斯為可矣。無或游言以增邑邑，郊牧之田，宜以為意。廣開土宇，吾將老焉。劉

杜二生。想數往來。朱明之期已復至矣。相見在近。不復爲言。慎夏自愛。璩報。

與山巨源絕交書

嵇康

經常也

康白。足下昔稱吾於穎川。吾常謂之知言。然經恠此意。尚未熟悉於足下。何從便得之也。前年從河東還。顯宗阿都說足下議以吾自代。事雖不行。知足下故不知之。足下旁通多可。而少恠。吾直性狹中。多所不堪。偶與足下相知耳。間聞足下遷。惕然不喜。恐足下羞庖人之獨割。引尸祝以自助。手薦鸞刀。漫之羶腥。故具爲足下陳其可否。吾昔讀書。得并介之人。或謂無之。今乃信其真有耳。性有所不堪。真不可強。今空語同知。有達人無所不堪。外不殊俗。而內不失止。與一世同其波流。而悔吝不生耳。老子莊周。吾之師也。親居賤職。柳下惠

曼汗也

揆度也

東方朔。達人也。安乎卑位。吾豈敢短之哉。又仲尼兼愛。不羞執鞭。子文無欲卿相。而三登令尹。是乃君子思濟物之意也。所謂達能兼善而不渝。窮則自得而無悶。以此觀之。故堯舜之君。世許山之巖。棲子房之佐。漢接輿之行。歌其揆一也。仰瞻數君。可謂能遂其志者也。故君子百行殊塗。而同致。循性而動。各附所安。故有處朝廷而不出。入山林而不反之論。且延陵高子臧之風。長卿慕相如之節。志氣所託。不可奪也。吾每讀尚子平臺孝威傳。慨然慕之。想其爲人。少加孤露。母見見驕。不涉經學。性復疎懶。筋驚肉緩。頭面常一月十五日不洗。不大悶癢。不能沐也。每常小便而忍不起。令胞中略轉。乃起耳。又縱逸來久。情意傲散。簡與禮相背。懶與慢相成。而爲儕類。見寬不攻其過。又讀莊老。重增其放。故使榮進之心日

加重也。益也

困莫因切

積任實之情轉篤此由禽鹿少見馴育則服從教制長而見
 羈則狂顧頓纓赴蹈湯火雖飾以金鑣饗以嘉肴逾思長林
 而志在豐草也阮嗣宗口不論人過吾每師之而未能及至
 性過人與物無傷唯飲酒過差耳至為禮法之士所繩疾之
 如讐幸賴大將軍保持之耳以不如嗣宗之賢而有慢弛之
 闕又不識人情闇於機宜無萬石之慎而有好盡之累久與
 事接疵釁日興雖欲無患其可得乎又人倫有禮朝廷有法
 自惟至熟有必不堪者七甚不可者二臥喜晚起而當關呼
 之不置一不堪也抱琴行吟弋釣草野而吏卒守之不得妄
 動二不堪也危坐一時痺不得搖性復多蟲把搔無已而當
 裹以章服揖拜上官三不堪也素不便書不喜作書而人間
 多事堆案盈机不相酬答則犯教傷義欲自勉强則不能久

置放也

痺必寐反又俾利切濕病也韻音悲

把掃巴反

堆都回切

四不堪也不喜爭喪而人道以此為重已為未見怨者所怨
 至欲見中傷者雖瞿然自責然性不可化欲降心順俗則詭
 故不情亦終不能獲無咎無譽如此五不堪也不喜俗人而
 當與之共事或賓客盈坐鳴聲聒耳囂塵臭處千變百伎在
 人目前六不堪也心不耐煩而官事鞅掌機務纏其心世故
 繁其慮七不堪也又每非湯武而薄周孔在人間不止此事
 會顯世教所不容此甚不可一也剛腸疾惡輕肆直言遇事
 便發此甚不可二也以促中小心之性統此九患不有外難
 當有內病寧可久處人間邪又聞道士遺言餌木黃精令人
 久壽意甚信之游山澤觀魚鳥心甚樂之一行作吏此事便
 廢安能舍其所樂而從其所懼哉夫人之相知貴識其天性
 因而濟之禹不偏伯成子高全其節也仲尼不假蓋於子夏

鞅於兩反鞅掌象多兒

護其短也。近諸葛孔明不偪元直以入蜀。華子魚不强幼安以卿相。此可謂能相終始。真相知者也。足下見直木不可以爲輪曲者。不可以爲桷。蓋不欲以枉其天才。今得其所也。故四民有業。各以得志爲樂。唯達者爲能通之。此足下度內耳。不可自見好章甫。强越人以文冕也。已嗜臭腐。養鴛鴦。雖以死鼠也。吾頃學養生之術。方外榮華。去滋味。游心於寂寞。以無爲爲貴。縱無九患。尚不顧足下所好者。又有心悶疾。頃轉增篤。私意自試。不能堪其所不樂。自卜已審。若道盡塗窮。則已耳。足下無事。寬之。令轉於溝壑也。吾新失母。兄之歡意。常悽切。女年十三。男年八歲。未及成人。况復多病。顧此悵悵。如何可言。今但願守陋巷。教養子孫。時與親舊敘離闊陳說。平生濁酒一杯。彈琴一曲。志願畢矣。足下若翺之。不置。不過欲爲

恒方向反

也 翺音奴 搥燒也 慳也

趣急也

官得人。以益時用耳。足下舊知吾潦倒麤疎。不切事情。自惟亦皆不如今日之賢能也。若以俗人皆喜榮華。獨能離之。以此爲快。此最近之可得言耳。然使長才廣度。無所不淹。而能不營。乃可貴耳。若吾多病困。欲離事自全。以保餘年。此真所乏耳。豈可見黃門而稱貞哉。若趣欲共登王塗。期於相致。時爲歡益。一旦迫之。必發其狂疾。自非重怨。不至於此也。野人有快炙背而美芹子者。欲獻之至尊。雖有區區之意。亦已疏矣。願足下勿似之。其意如此。既以解足下。并以爲別。嵇康白。

爲石仲容與孫皓書

孫楚

苞白。蓋聞見幾而作。周易所貴。小不事大。春秋所誅。此乃吉凶之萌兆。榮辱之所由興也。是故許鄭以銜璧。全國曹譚以無禮取滅。載籍既記。其成敗古今又著。其愚智矣。不復廣引。

浮虛也

譬類崇飾浮辭苟以夸大為名更喪忠告之實今粗論事勢以相覺悟昔炎精幽昧曆數將終桓靈失德災釁並興豺狼抗爪牙之毒生人陷塗炭之艱於是九州絕貫皇綱解紐四海蕭條非復漢有太祖承運神武應期征討暴亂克寧區夏協建靈符天命既集遂廓洪基奄有魏域土則神州中嶽器則九鼎猶存世載淑美重光相襲固知四隩之攸同天下之壯觀也公孫淵承籍父兄世居東裔擁帶燕胡馮陵險遠講武盤桓不供職貢內傲帝命外通南國乘桴滄流交疇貨賄葛越布於朔土貂馬延乎吳會自以為控弦十萬奔走足用信能右折燕齊左振扶桑陵轍沙漠南面稱王也宣王薄伐猛銳長驅師次遼陽而城池不守桴鼓一震而元凶折首然後遠跡疆場列郡太荒收離聚散咸安其居民庶悅服殊俗款附自茲遂隆九野清泰東夷獻其樂器肅慎貢其楛矢曠世不羈應化而至巍巍蕩蕩想所具聞吳之先主起自荊州遭時擾攘播潛江表劉備震懼亦逃巴岷遂依丘陵積石之固三江五湖浩汗無涯假氣遊龜迄于四紀一邦合從東西唱和互相扇動距捍中國自謂三分鼎足之勢可與泰山其相終始相國晉王輔相帝室文武桓桓志厲秋霜廟勝之算應變無窮獨見之鑒與眾絕慮主上欽明委以萬機長轡遠御妙略潛授偏師同心上下用力稜威奮伐深入其阻并敵一向奪其膽氣小戰江介則成都自潰曜兵劔閣而姜維面縛開地五千列郡三十師不踰時梁益肅清使竊號之雄稽顙絳闕球琳重錦充於府庫夫號滅虞亡韓并魏徒此皆前鑒之驗後事之師也又南中呂興深觀天命蟬蛻內向願為

隩音郁

桴音敷

貂都聊切

桴音浮與枹同

場音亦

紀十二年
從子容切

深音彌深也冒也

蛻音稅

新刊文選卷之九

新刊文選卷之九

四十六

翰高也

艘蘇勞反劉音胡切

式用也

臣妾外失輔車唇齒之援。內有毛羽零落之漸。而徘徊危國。冀延日月。此猶魏武侯却指河山。以自強大。殊不知物有興亡。則所美非其地也。方今百僚濟濟。偶又盈朝。虎臣武將。折衝萬里。國富兵彊。六軍精練。思復翰飛。飲馬南海。自頃國家。整治器械。修造舟楫。習水戰。伐樹北山。則太行木盡。濟決河洛。則百川通流。樓船萬艘。則千里相望。自刳木以來。舟車之用。未有如今之盛者也。驍勇百萬。畜力待時。役不再舉。今日之謂也。然主上眷眷未便。電邁者。以為愛民治國。道家所尚。崇城遂卑。文王退舍。故先開示大信。喻以存亡殷勤之旨。往使所究。若能審識安危。自求多福。蹙然改容。祇承往告。追慕南越。嬰齊入侍。北面稱臣。伏聽告策。則世祚江表。永為藩輔。豐報顯賞。隆於今日矣。若侮慢不式。王命然後謀。力雲合。

稱音未

指麾風從。雍益二州。順流而東。青徐戰士。列江而西。荆揚兗豫。爭驅八衝。征東甲卒。虎步秣陵。爾乃皇輿整駕。六師徐征。羽校燭日。旌旗流星。游龍曜路。歌吹盈耳。士卒奔邁。其會如林。煙塵俱起。震天駭地。渴賞之士。鋒鏑爭先。忽然一旦。身首橫分。宗祀屠覆。取誠萬世。引領南望。良以寒心。夫治膏肓者。必進苦口之藥。決狐疑者。必告逆耳之言。如其迷謬。未知所投。恐俞附見其已困。扁鵲知其無功也。勉思良圖。惟所去就。石苞白。

與嵇茂齊書

趙至

安白。昔李叟入秦。及關而歎。梁生適越。登嶽長謠。夫以嘉遁之舉。猶懷戀恨。況乎不得已者哉。惟別之後。離羣獨遊。背榮宴辭。倫好經迥。路涉沙漠。鳴雞戒日。則飄爾晨征。日薄西山。

按稽紹集為趙景真與從兄茂齊書。于寶晉紀為呂安與嵇康書。二說不同。故題云景真而書曰安。然考其始末。以安為定。蓋紹集諱之。今姑從舊。

本
屬無也

則馬首靡託尋歷曲阻則沉思紆結乘高遠眺則山川悠隔
或乃迴飈狂厲白日寢光崎嶇交錯陵隰相望徘徊九臯之
內慷慨重阜之巔進無所依退無所據涉澤求蹊披榛覓路
嘯詠溝渠良不可度斯亦行路之艱難然非吾心之所懼也
至若蘭芷傾頤桂林移植根萌未樹牙淺絃急常恐風波潛
駭危機密發斯所以怵惕於長衢按轡而歎息者也又北土
之性難以託根投人夜光鮮不按劍今將植橘柚於玄朔帶
華藕於脩陵表龍章於裸壤奏韶武於聳俗固難以取貴矣
夫物不我貴則莫之與莫之與則傷之者至矣飄飄遠游之
士託身無人之鄉總轡遐路則有前言之艱懸鞍陋宇則有
後慮之戒朝霞啓暉則身疲於遄征太陽戢曜則情劬於夕
惕肆日平隰則遼廓而無覩極聽脩原則淹寂而無聞吁其

禿郎果切

速也

念也

悲矣心傷悴矣然後乃知步驟之士不足為貴也若乃顧影
中原憤氣雲踊哀物悼世激情風烈龍睇大野虎嘯六合猛
氣紛紜雄心四據思躡雲梯橫奮八極披艱掃穢蕩海夷嶽
蹴崑崙使西倒蹋太山令東覆平滌九區恢廓宇宙斯亦吾
人之鄙願也時不我與垂翼遠逝鋒鉅靡加翅翮摧屈自非
知命誰能不憤悒者哉吾子植根芳苑擢秀清流布葉華崖
飛藻雲肆俯據潛龍之淵仰蔭棲鳳之林榮曜眩其前豔色
餌其後良儔交其左聲名馳其右翺翔倫黨之間弄姿帷房
之裏從容顧眄綽有餘裕俯仰吟嘯自以為得志矣豈能與
吾同大丈夫之憂樂者哉去矣嵇生永離隔矣煢煢飄寄臨
沙漠矣悠悠二千路難涉矣携手之期邈無日矣思心彌結
誰云釋矣無金玉爾音而有遐心身雖胡越意存斷金各敬

立川

新刊文選卷之七

四

璞真也復不辛克

爾儀敦履璞沉繁華流蕩君子弗欽臨書恨然知復何云

與陳伯之書

丘遲

遲頓首陳將軍足下無恙幸甚幸甚將軍勇冠三軍才為世出棄燕雀之小志慕鴻鵠以高翔昔因機變化遭遇明主立功立事開國稱孤朱輪華轂擁旄萬里何其壯也如何一旦為奔亡之虜聞鳴鏑而股戰對穹廬以屈膝又何劣耶尋君去就之際非有他故直以不能內審諸已外受流言沉迷猖獗以至於此聖朝赦罪責功棄瑕錄用推赤心於天下安反側於萬物此將軍之所知非假僕一二談也朱鮪涉血於友于張繡刺刃於愛子漢主不以為疑魏君待之若舊況將軍無昔人之罪而敷重於當世夫迷塗知反往哲是與不遠而復先典攸高主上屈法申恩吞舟是漏將軍松柏不翦親戚

癡居月切

涉丁牒反

友于兄弟也

判側吏反押也

軺餘招切

覲聽典反

安居高臺未傾愛妾尚在悠悠爾心亦何可言今功臣名將鴈行有序佩紫懷黃讚帷幄之謀乘軺建節奉疆場之任竝刑馬作誓傳之子孫將軍獨覲顏借命驅馳擅表之長寧不哀哉夫以慕容超之強身送東市姚泓之盛而縛西都故知霜露所均不育異類也姬漢舊邦無取雜種北虜僭盜中原多歷年所惡積禍盈理至焦爛况偽孽昏狡自相夷戮部落携離酋豪猜貳方當繫頸蠻邸懸首藁街而將軍魚游於沸鼎之中燕巢於飛幕之上不亦惑乎暮春三月江南草長雜花生樹羣鶯亂飛見故國之旗鼓感生平於疇日撫絃登陣豈不愴恨所以廉公之思趙將吳子之泣西河人之情也將軍獨無情哉想早勵良規自求多福當今皇帝盛明天下安樂白環西獻楛矢東來夜郎滇池解解請職朝鮮昌海蹶角

陣婢移切

眞音顛 辨音辨

音辨

新刊文選

卷之九

四十九

受化唯北狄野心。僭強沙塞之間。欲延歲月之命耳。中軍臨川殿下。明德茂親。總茲戎重。方弔民洛汭。伐罪秦中。若遂不改。方思僕言。聊布往懷。君其詳之。丘遲頓首。

重答劉秣陵沼書

劉峻

劉侯既重有斯難。值余有天倫之戚。竟未之致也。尋而此君長逝。化為異物。緒言餘論。溘而莫傳。或有自其家得而示余者。余悲其音徽未沫。而其人已亡。青簡尚新。而宿草將列。泫然不知涕之無從也。雖隙駟不留。尺波電謝。而秋菊春蘭。英華靡絕。故存其梗槩。更酬其旨。若使墨翟之言無爽。宣室之談有徵。冀東平之樹望咸陽。而西靡蓋山之泉聞絃歌。而赴節。但懸劔空隴。有恨如何。

移書讓太常博士并序

劉歆

歆親近。欲建立左氏春秋及毛詩逸禮古文尚書。皆列於學官。哀帝令歆與五經博士講論其議。諸儒博士或不肯置對。歆因移書太常博士。責讓之曰。

昔唐虞既衰。而二代迭興。聖帝明王。累起相襲。其道甚著。周室既微。而禮樂不正。道之難全也如此。是故孔子憂道不行。歷國應聘。自衛反魯。然後樂正雅頌。乃得其所。修易序書。制作春秋。以記帝王之道。及夫子沒。而微言絕。七十子卒。而大義乖。重遭戰國。棄邊豆之禮。理軍旅之陣。孔氏之道。抑而孫吳之術興。陵夷至于暴秦。焚經書。殺儒士。設挾書之法。行是古之罪。道術由此遂滅。漢興去聖帝明王遐遠。仲尼之道。又絕。法度無所因襲。時獨有一叔孫通。略定禮儀。天下唯有易卜。未有他書。至於孝惠之世。乃除挾書之律。然公卿大臣。絳

涿音昧。又亡蓋切。已也。滅也。

蓋音合。

讓責也。

變因也。

灌之屬咸介冑武夫莫以爲意至孝文皇帝始使掌故晁錯從伏生受尚書尚書初出於屋壁朽折散絕今其書見在時師傳讀而已詩始萌芽天下衆書往往頗出皆諸子傳說猶廣立於學官爲置博士在朝之儒唯賈生而已至孝武皇帝然後鄒魯梁趙頗有詩禮春秋先師皆出於建元之間當此之時一人不能獨盡其經或爲雅或爲頌相合而成秦誓後得博士集而讚之故詔書曰禮壞樂崩書缺簡脫朕甚閔焉時漢興已七八十年離於全經固以遠矣及魯恭王壞孔子宅欲以爲宮而得古文於壞壁之中逸禮有二十九篇書十六篇天漢之後孔安國獻之遭巫蠱倉卒之難未及施行及春秋左氏丘明所修皆古文舊書多者二十餘通藏於秘府伏而未發孝成帝愍學殘文缺稍離其真乃陳發秘藏按理

閱夏也

舊文得此三事以考學官所傳經或脫簡傳或脫編博問人間則有魯國桓公趙國貫公膠東庸生之遺學與此同抑而未施此乃有識者之所歎愍士君子之所嗟痛也往者綴學之士不思廢絕之闕苟因陋就寡分文析字煩言碎辭學者罷老且不能究其一藝信口說而背傳記是末師而非往古至於國家將有大事若立辟雍封禪巡狩之儀則幽冥而莫知其原猶欲保殘守缺挾恐見破之私意而亡從善服義之公心或懷疾妬不考情實雷同相從隨聲是非抑此三學以尚書爲不備謂左氏不傳春秋豈不哀哉今聖上德通神明繼統揚業亦愍此文教錯亂學士若茲雖深照其情猶依違謙讓樂與士君子同之故下明詔試左氏可立不遣近臣奉旨銜命將以輔弱扶微與二三君子比意同力冀得廢遺今

綴緝也

猥頓也

則不然深閉固距而不肯試猥以不誦絕之欲以杜塞餘道絕滅微學夫可與樂成難與慮始此乃衆庶之所爲耳非所望於士君子也且此數家之事皆先帝所親論今上所考視爲古文舊書皆有徵驗內外相應豈苟而已哉夫禮失求之於野古文不猶愈於野乎往者博士書有歐陽春秋公羊易則施孟然孝皇帝猶復廣立穀梁春秋梁丘易大小夏侯尚書義雖相反猶竝置之何則與其過而廢之寧過而立之傳曰文武之道未墜於地在人賢者志其大者不賢者志其小者今此數家之言所以兼包大小之義豈可偏絕哉若必專已守殘黨同門妬道真違明詔失聖意以陷於文吏之議甚爲二三君子不取也

墜落也
志記也

文類

北山移文

孔稚珪

鍾山之英草堂之靈馳煙驛路勒移山庭夫以耿介拔俗之標蕭灑出塵之想度白雪以方絜干青雲而直上吾方知之矣若其亭亭物表皎皎霞外芥千金而不盼屣萬乘其如脫聞鳳吹於洛浦值新歌於延瀨固亦有焉豈期終始參差蒼黃翻覆淚翟子之悲慟朱公之哭乍迴跡以心染或先貞而後黷何其謬哉嗚呼尚生不存仲氏既往山阿寂寥千載誰賞世有周子儂俗之士旣文旣博亦玄亦史然而學遁東魯習隱南郭竊吹草堂濫巾北岳誘我松桂欺我雲壑雖假容於江臯乃纓情於好爵其始至也將欲排巢父拉許由傲白氏蔑王侯風情張日霜氣橫秋或歎幽人長往或怨王孫不游談空空於釋部覈玄玄於道流務光何足比涓子不能儔

靈胡車切
消古玄切

〔其義切〕

〔縮貫也〕

〔敲口交切〕
〔音水〕
〔切德音孔〕
〔德音德〕

〔籟音錄〕

及其鳴。鷗入谷。鶴書赴隴。形馳魄散。志變神動。爾乃眉軒席
次。袂聳筵上。焚芟製而裂荷衣。抗塵容而走俗狀。風雲悽其
帶憤。石泉咽而下愴。望林巒而有失。顧草木而如喪。至其紐
金章。縮墨綬。跨屬城之雄冠。冠百里之首。張英風於海甸。馳妙
譽於浙右。道帙長擯。法筵久埋。敲扑誼。置犯其慮。牒訴倥偬。
裝其懷。琴歌既斷。酒賦無續。常綢繆於結課。每紛綸於折獄。
籠張趙於往圖。架卓魯於前錄。希蹤三輔。豪馳聲九州。牧使
我高霞。孤映明月。獨舉青松。落蔭白雲。誰侶澗戶。摧絕無與。
歸石逕。荒涼徒延佇。至於還颺。入幕寫霧。出楹蕙帳。空兮夜
鶴。怨山人去。今曉猿驚。昔聞投簪。逸海岸。今見解蘭。縛塵纓。
於是南岳獻嘲。北隴騰笑。列壑爭譏。攢峯竦諷。慨游子之我
欺。悲無人以赴。弔故其林。慚無盡澗。愧不歇秋桂。遣風春蘿。

〔搜羽制反〕



〔曠昌具切〕
〔怒也〕

罷月騁西山之逸議。馳東臯之素謁。今又促裝下邑。浪拽上
京。雖情投於魏闕。或假步於山局。豈可使芳杜厚顏。薜荔無
恥。碧嶺再辱。丹崖重滓。塵游躅於蕙路。汗淥池以洗耳。宜扁
岫幌。掩雲關。歛輕霧。藏鳴湍。截來轅於谷口。杜安轡於郊端。
於是叢條曠瞻。疊嶺怒魄。或飛柯以折輪。乍低枝而掃跡。請
迴俗士。駕為君謝。逋客。

新刻文選正文卷之九

門人

松本雅有校



新編
文選
卷之九

